


PL  
1420  
F35  
1666  
v.15









通雅卷之三十六

桐山方以智密之輯著

同里姚文燮經三較訂

衣服

彩服

古分冕弁冠。然亦通稱。猶漢晉來分幘巾帽。而亦通稱也。○古冠制三。曰冕者朝祭服。所謂十二旒九旒而下是也。惟有位者得服之。曰弁。亞於冕。所謂夏收殷皞周牟是也。曰冠。亞於弁。所謂委貌。毋追。章甫是也。弁與冠。自天子至士。皆得服之。按古文奇字。𠄎象形。弁亦此聲。而稍別作𠄎。𠄎則通稱。執劉鉞之人皆冕。冕亦通稱。猶之月卽帽也。荀子言王者務而拘領。注務。讀如



冒尚書大傳作冒而句領詳見後此非古之帽乎古冒務無母牟

莫勉皆一聲之轉許見釋詁各條委貌之貌毋追之毋章甫之甫皆此

聲也舊說啤名出于幬幬覆也收收髮也毋發聲也追推也委

安也智謂委綏也許見後毋追猶整堆即牟敦古語堆起之狀岑牟

諸說見後幬亦因此漢人用閔免密勿即僂勉即爾雅之蟲沒方言

之侔莫故知冕帽貌甫相通啤當是尋毋別有解推原上古異

說不妨并存以聽折衷也郊特牲卷冕即衮冕管子作緡綖汲

冢用緡綖綖音問而借冕古通聲可知高承事物紀原云世本云黃帝作旃

冕通考載此說智以旃冕乃旒冕之譌吳曾考世本云伯余初

作衣裳胡曹作冕黃帝臣也有虞氏皇而祭康成皇邸皇舞皆



爲鳳皇。此爲畫羽之冕。周捨以爲畫鳳羽之衣。說文皇爲自始之說。含神霧。遂引天皇之星。不知上古造字。必先近取。而後及遠。開口唉聲。莫如王字。从夂古人字。正坐與王古天字相比。故成三畫連中之象。皇爲冕象。从合。似自形也。後乃追尊帝號曰皇。而天皇之皇。與鳳皇。皆因此起。乃反據以解有虞之皇。邪。大氏古自有取象通聲之原。而後因稱配字。不得不別。注釋不知其故。隨字鑿說矣。聲稱相因。而分用當別。弁。昇收。皆爵弁。如玄鳥之色以玄繪爲之。三加之冠也。委。貌章甫。毋追。皆緇布冠。始加之冠也。皮弁。弁以皮爲之。再加之冠也。其幘巾帽見後。端委。委猶綏也。纁旒。統紘。遠延。皆委也。笄梁。皆衡也。○左傳劉



定公曰。吾端委以治民。晏平仲端委以立於虎門。晉語董安于曰。臣端委以隨宰人。周語曰。晉侯端委以入或宮。蓋端言正也。玄端委貌也。此爲冠冕之通稱。豈但齊服玄端素端乎。委言其垂下之綏。舊解委爲安者。非矣。玉藻遂延弁師。玄冕朱裏延紐。纁旒朱紘。皮弁玉璫。象邸玉笄。璫讀如綦。結也。邸下邸也。以象骨爲之。左傳注衡維持冠者。紘多敢反冠之垂也。紘纓從上而下也。紘冠上覆也。或以紘爲垂。填充耳。康成曰。衡筭。蓋凡橫者曰衡。今之梁亦衡也。古以旒分。至晉宋齊猶然。唐通天冠二十四梁。宋亦用之。今則惟朝冠有梁。賈子朝委裘。孟康曰。若容衣。呂覽曰。堯之容若委衣裘。言少事也。



漢平冕。晉黑介幘。○漢明紀。永平二年祀明堂。注引漢官儀。天子公卿特進諸侯祀天地明堂皆冠平冕。三禮圖。冕以四十升布。漆而爲之。廣八寸。長三寸。前下後高。晉志。平冕。王公入旒。卿七。王公衣九章。卿七章。齊梁因制平天冠。隋志。平冕。俗所謂平天冠也。晉志。通天冠。高九尺。金博山。額與平冕黑介幘並用。平冕加於通天冠之上。後或加附蟬。或用二十四梁。皆通天冠也。黑介幘。卽後世之翼善冠。以至撲頭。撲後作幘進賢冠。皆是漆灰。張其題屋。翼善冠昉於唐太宗。改周幘頭爲之。又制進德冠。以賜貴臣。玉基制如弁服。以金飾梁。花趺三品以上加金絡。五品以上附山雲。則是近時之朝冠矣。朱子論幘頭鐵張猶後起也。近



省五冕。惟冕以享廟。常服。身紗折角向上巾。卽古幘。幘翼善之類。御殿服皮弁。亦冒身紗十二縫。縫各五采。玉十二。玉簪導。毋冠也。○易貫魚以宮人寵。徐邈讀貫爲冠。谷永傳以次貫行。所陳眾條。以次相續行之。韻增收入平聲。是貫有冠音矣。貫古作毋。毋丘地名。象人冠形而名。遂有毋丘氏。後訛爲毋。諸家複姓毋丘。音無升菴曰。當音貫。梁氏言毋追亦毋字。象形。釋名曰冠貫也。所以貫韜髮。則毋追當音冠堆。不必音牟堆矣。此亦一說。毋之音牟。因毋轉爲淳。毋之模。模轉爲牟。漢人謂絞頭布爲牟。襴衡岑牟是也。

漢魏晉以來。謂漆紗之冠曰幘。通用曰巾幘。○通典。古者有冠



無幘其戴也。加首有頰。所以安物。故詩曰有頰者弁。秦加或將首爲絳袖。以表貴賤。後稍作顏題。漢孝文高其顏題。續之爲耳。崇其巾爲屋。上下羣臣貴賤皆服之。文者長耳。或者短耳。稱其冠也。春服青幘。立夏乃止。尊其方也。或吏常赤幘。成其威也。未冠童子幘無屋。示未成人也。通典載漢舊儀。鴻紺績霜幘。東觀記曰。段熲滅匡。詔賜熲赤幘大冠一具。董仲舒止雨書曰。執事皆赤幘爲公服。常服則當是中幘矣。魏管寧在家。常著皂帽。蘇轍以爲白帽。宋制黑帽綴紫標。以繒爲之。後制高屋白紗帽。陳名白紗者爲高頂帽。後魏咸著突騎帽。垂裙覆帶。蓋索髮遺象。隋文開皇著烏紗帽。大業通服折上巾。唐制白紗帽。又制烏紗



帽按隋志曰六國時魏趙之間通謂巾爲承露袁紹戰敗幅巾渡河按此則庶人及軍旅皆服之全服皐而向後撲髮謂之頭巾俗人謂之撲頭後周武帝時初服常冠以皐紗全幅向後撲髮仍裁四腳俗謂之撲頭唐會要折上巾軍旅所服今撲頭是也東晉制以葛爲巾形如恰而橫著之尊卑共服太元中國子生見祭酒博士冠角巾至齊立學王儉議更存焉唐始用巾子尚平頭小樣者宋端拱中撲頭巾子并爲條制智按所謂耳者卽近代之帽趨所謂高蟬也撲頭作方稜兩級謝恩及朔望服公服方袖則戴撲頭自朝冠進賢冠頭巾而外士夫居家則製忠靖冠四品以上金線分輪卷五品以下以綠分之常服之巾



隨人取名。巾帽爲古之通稱。陳師道曰。布撲頭。則自英宗崩。宋次道誤爲之也。

銀葉弓腳。五代之幞。○五代漢乾祐中。有銀葉弓腳幞頭。尚宮一人。又有高腳幞頭。朱子語錄言橫兩腳。以鐵張之。本是偃腳。以木作山子。名曰軍容頭。

纏首曰岑牟。○禰衡傳。鼓史著岑牟單絞之服。岑牟。鼓角士冑也。智謂如今之南兵。以布纏頭也。作鐵冑者。因謂之兜鍪。一作兜鍪。說文曰。鍪。釜屬。从金。以鍪爲冑。亦以其形似耳。夏母追。音牟堆。冠禮作牟追。符登刻鉞鎧爲死休字。隋楊玄感反於黎陽。取帆布爲牟甲。謂爲頭牟與甲也。唐劍南道貢彌牟布。亦謂其



可纏頭也。後周書曰：突厥之先，臣于茹茹。即蠕蠕為鐵工，居金山。

金山形似兜鍪，其俗謂兜鍪為突厥，因以為號。

因幅巾而有幪頭，即慘頭也。一曰陌首。○說文：帟，一幅巾也。後

漢馮衍幅巾降光武，苻融幅巾奮袂。列子：北國之人，鞞巾而裘。

以皮為之。何胤著鹿皮巾。魏時作縑巾，又造白帟，橫縫其前，以

別後，名曰顏帟。六朝白紗巾，其介幪則公服也。謝安傳：埋髮遲

緩，取幪。桓溫曰：令司馬著帽進，以此可證方言絡頭、陌頭也。紗

纁，鬢帶髮帶，帟幪，幪頭也。或謂之承露，髮音菜。或曰覆髮。郭璞

注：今結籠是也。陌上桑詩：脫巾著幪頭。向栩絳綃頭。周黨著穀

皮綃頭。綃當作幪。七消反儀禮注：如今著慘頭，自項交額，繞髻。周



弘正著紅禪錦絞髻。踞開善寺門聽講。陳暄以玉帽簪插髻。紅絲布裹頭。上徐陵坐。韋堅令陝尉紅襖首。唱得寶歌。卽幪頭也。又作鞞。方言曰鞞巾。俗人帕巾是也。毛晃并以帉爲帕誤。帉帶也。青籐路史言抹額是大禹制。帉音績。或曰袼襖聲轉。北人戴帽以帕縛之。南惟興泉人喜去巾。裹烏帕。閨妝包頭。下路通尚矣。

巾。構巾幘。禪衣也。○江南人士交際。構音句爲盛服。蓋次於朝服。

雷次宗以巾構侍讀。朱修之不肯以巾構。到殷景仁之門。

以漆膠紗曰漆紗。○隋皮弁用漆紗爲之。董巴曰。以鹿皮爲之。何稠用漆紗。施象牙簪。并加簪導。亦自稠始也。青箱襍記曰。天



聖以前烏幘用光紗。自後始用南紗。南紗今之縐紗。在漆紗外者也。按後漢書長冠。一曰齊冠。漆纚爲之。卽漆紗也。纚音斯。斯有紗音。朱子言斫木作軍容頭。後用藤骨。仁宗時方以漆紗爲之。謂兔木骨耳。非古無漆纚也。

弁缺四隅曰幅。言攢其隅也。○唐韻畱卽恰。又作幅帙。弁缺四隅也。魏武始製。成帝制使尚書八座丞郎三省侍郎乘車白幅。低幘。出入掖門。又二宮直官著烏紗幅。往往士人宴居皆著幅矣。集韻亦作畱。畱。按當从月。从角。然則唐韻之畱卽集韻之畱乎。要當作畱。从月角。

帽之屠蘇垂者曰裙。亦曰裙。反裙覆頂者。所謂洞賓巾也。倚勸。



今之窩玉也。假兩，今之輓帽也。○齊書海陵王紀：以生紗爲帽，半其裾而折之，曰倚勸。又著下屋白紗帽，兩反裾覆頂上，令反裾向下。和帝時，百姓及朝士以方帛填帽，名曰假兩。

襜褕，謂其緇帶也。○方言：襜褕，

音煩

謂之幪。

亡切

郭璞曰：卽𦃟

幪也。則非足下之襪矣。按莊子：孔子緇十二經，注：緇，帶也。音亂取之也。今據郭讀煩冤，則緇褕卽緇帶，何疑？言𦃟幪垂覆緇帶之狀。呂覽：幡薄，高誘注：幡亦薄也。

重戴，言綴下服帽也。有席帽，有裁帽，有涼衫。宋之衫帽，猶唐之帷帽，羃離也。○石林燕語曰：唐至五代時，初京師皆不禁綴。五代始命御史服裁帽。蜀王衍好戴大裁帽，蓋欲掩已而有泥首



之兆。淳化初。命公卿皆服之。既有繖。又服帽。故曰重戴。自祥符後始禁。惟親王宗室得張繖。今席帽裁帽。分兩等。中丞御史與六曹郎中。則於席帽前加皂紗。圍其半爲裁帽。非臺官及員外而下。則無席帽。清波雜志曰。預備衫帽。朝退服以入堂。蓋已得請矣。一時驟更衣制。力或未辦。乃權宜以涼衫爲禮習。以爲常。乾道間。王自嚴內相申請。謂環一堂而圍座。色皆淺素。極可憎。乞仍存紫衫。至今四十年不改。前此仕族子弟。未受官者皆衣白。今非跨馬及吊慰不敢用。又曰。士大夫馬上披涼衫。婦女步通衢。以方幅紫羅障蔽半身。俗謂之蓋頭。蓋唐帷帽之制也。貴與曰。重戴。唐士人多尚之。五代以來。新進士亦重戴。遂以爲俗。



脫白卽止。元美言石林加繖之說誤。而青箱襍記曰。曳袍重戴。又云席帽自隨。亦非也。蓋席帽垂簷以蔽日。卽名重戴。智按張舜民畫墁錄曰。王朴嘗僂服頂席帽。行浚儀橋。是則有似于笠矣。裁帽者。裁其簷之裕也。資暇錄曰。永貞之前。組藤爲蓋。曰席帽。取其輕。後以細色蜀曰氍帽。裴晉公以此免淄青盜刃。僅折其簷。太和末作疊綃帽。

纂離障面也。○新唐志。婦人施纂離以蔽身。永徽中。始用帷冒。施帟及頸。或后時帷冒益盛。中宗後。無復纂離矣。山簡倒著白接離。離似幅巾。纂則似罩耳。今人眼罩是也。唐豆盧回詩。纂離音覓。野烟起。借作烟兒。豆盧回。公紹作豆盧田。品彙以回田爲一人。周邦彥有蘇幕



遮之曲。乃高昌女子所戴油帽。李石曰。鷲有長毛翰。江東取以爲曉攤。名之曰白鷲纓。解見髦眊。湛若以爲障頭飾。非。唐書宋務光傳。比見坊邑。渾脫隊。駿馬戎服。曰蘇模遮。模乃幘訛。

以白飾首曰白題。或以呼笠。○服虔注曰。白題。國名也。按題。額也。因謂頭爲題。漢書題湊以木頭爲題。此白題。國首好飾白。故名。張子賢以下馬拾白題。定爲韞笠。亦拘。安知非白莞笠。或白毼乎。

中人帽曰爪拉。○徐文長曰。遼主名查剌。或服是帽。轉爲爪拉。近有奄帽。是高麗王帽。京師呼爪拉。范文穆乾道使金。接伴裹蹋鴟。



箇卽髮鼓步搖卽仙圍挑牌結子類也。凡衡簪者曰筭。凡附飾  
鑲蔽者曰副。義髻假紒也。○皇后謁廟服紺上阜下蠶青上縹  
下假結步搖簪珥步搖黃金爲山題貫白珠爲桂枝相樛一爵  
九華熊虎赤熊天鹿辟邪南山豐大特六獸詩所謂副筭六珈  
者。周禮追師注副之言覆也。其遺象若今步搖疏漢之步搖謂  
在首之時行步搖動江充冠禪纚步繇飛翾之纓慕容廆載記  
呼步搖訛爲慕容。往時男女皆可飾男冠如曲纓葳蕤之類婦  
人之飾則今之挑牌結子也。智謂副筭之副乃如今之花釵所  
謂鑲蔽髻也。自魏有七鑲蔽髻晉皇后十二鑲隋志作釵顧氏  
曰掩鬢卽所謂兩博鬢也耳墜古之耳瑱也耳塞古之瑱也。急



就簪簧。注簧卽步搖也。王伯厚以簧或爲箇。

古謨切

周禮注若今

假紒。卽假笄。則漢已有此名。烏桓傳髻著句沒。猶中國有箇。步

搖。天寶語曰。義髻拋河裏。黃裙逐水流。義髻卽假紒。楊妃所作。

今日丫髻。以鐵絲爲圈。外編以髮。名曰鼓。

平聲

在漢曰翦。菴箇。殆

周禮之所謂編乎。其曰頭髮。則詩之髦也。李義山宮中詩。雲母

灑宮月。夜夜白如水。賺得羊車來。低扇遮黃子。卽簧也。猶稱花

子。朶子之類。此從無解者。姜如須以爲華的。而智以爲花子。

朶子。首飾也。○古今注言。冠子起於始皇。今妃嬪戴芙蓉冠。挿

五色通艸。蘇朶子。卽華鈴鈿釵之類也。遯園曰。今之眉間俏。古

曰花子。隋煬令宮人通天百葉冠子。挿瑟瑟細朶。夏后銅笄。卽



後之頭笄也。曰篋。亦冠字之轉音。唐人稱開掃髻。則謂盤鴉墮馬梳粧也。北齊偏髻髻。卽偏髻也。宋元嘉飛天紉。始自東府。卽孫壽墮馬也。李石云。僖宗內人束髮急。曰囚髻。又云。唐末兩髻抱面。爲拋家髻。

搔頭。一名撻頭。導亦可簪。○儀禮櫛笄注。榛笄有首者。若今時刻鏤摘頭矣。漢太后皇后入廟。篋簪珥。以玳瑁爲摘。長一尺。端爲華勝。梁冀使人劾李固曰。搔頭弄姿。遜園曰。卽今掠子。疑卽古之導。按導以導髮入於冠。因簪之。南齊高祖碎玉導。又晉書馮遷追及桓玄。玄拔頭上玉導與之。證知導之可簪。

衣有龍文曰袞。鳥文曰鷩。獸文曰毳。雜文曰希。無文曰玄。○郝



京山于十二章有二十二疑。周禮旣僞。而鄭玄又附會之。虞書觀古人之象。日月星辰。山龍華蟲七者。以作繪于宗廟之彝。此器之象也。華卽花。與蟲爲二。藻火粉米黼黻六者。皆薄繪。刺繡成五采。施五色作服。此服之章也。象言形色。文義甚明。此說近是。智按繡用絺。通作希。其納錦用紗之意乎。或古人呼繡曰絺繡。謂其鍼紵交織之狀曰絺。未可知也。器不可繡。故畫服不可畫。故繡。凡器物宜飾者皆畫。此象不定爲宗廟之彝。言彝先宗廟也。曰藻言其華。曰火言其明。曰粉米言其細。黼黻言其繡黻之文也。未嘗不可以七象繡之于服。特虞書非如玄之分定耳。歷代之制。皆沿鄭玄之說。後或稍變。終不能明其臆誤也。



按孔安國注華。謂草華。蟲雉也。作會宗彝句。注云。宗廟彝器。亦以山龍華蟲畫之。鄭司農注考工畫績。則直謂華與蟲。康成乃專以雉爲華蟲。以宗彝爲虎雉。虎彝。雉彝。亦是二者。不知置山。疊龍勺。雞彝。鳥彝。於何處乎。六尊六彝。有黃彝。皐彝。黃目。畫稼也。

深衣。猶摺子也。○深衣篇曰。應規矩繩權衡。陸氏曰。連衣裳而純之以采也。有表謂之中衣。以素純謂之長衣。正義曰。長衣中衣及深衣。其制度同。玉藻曰。長中繼揜。尺若深衣。則緣而已。京山曰。長卽袂之長。中猶齊也。長與肘齊。而外又繼續。使揜過肘一尺。智謂中者。言袂之中。寬可回肘也。不必訓齊。藍田呂氏曰。



深衣之用。上下不嫌同名。吉凶不嫌同制。男女不嫌同服。智謂此古人常服在外者。通名深衣。猶後世曰通裁。曰長衣。曰直身。曰道袍也。考其制。則十二幅。合素積終辟之說。卽謂細襞折而疊縫之。逢掖卽此類。荀子曰。其衣逢。不必解逢爲大也。吾衍問居記曰。深衣方領。卽方盤領。鉤邊。鉤于肩。續袷。所添兩襟。若以斜爲方。豈聖人之意。朱子非是。智以朱子直領而下。亦是折衷。溫公康節之意耳。舊解以袷當旁。定爲裙袷。而不知有襟袷。鄭注曰。鉤邊。若今曲裾。前曰襟。後曰裾。此亦分說。大抵領會曰。襜交領曰衣。背下卽襟。襟之下皆可曰裾。故曰曳裾。謂磬折則前幅先垂曳也。爾雅衣背謂之襟。袂謂之裾。此明證也。袂與袷。



皆音劫。子謙引袂謂之裙。誤矣。直翁引杜珠壓腰袂。穩稱身。入聲。智按此詩。當讀平聲。裙。當與裳幅四衻之衻同。袂。卽升菴所云。袂。近作一撒者同。曳裙之袂。則說文之襲袂也。總之。襟。在腰以上。袂。當旁。謂結小帶在旁耳。襟與衿。衿通。而衿謂之衿。則專指衣之小帶矣。曲袷如矩以應方。自是方領。袷。交領也。蓋袷之言合。猶袷之言各也。袷。當掖縫。故曰袷音各。夾衣曰袷。而領用袷。故亦曰袷。大抵細分之。其說如此。而統言之。則名亦互通。古人既有勾領爲圓領。則應方之領。當是直領。常服深衣。取其便耳。子行之言。庸詎是乎。近世摺子衣。卽直身。而下幅皆襞積。細折如裙。更以條環束要。正古深衣之遺。溫公居獨樂園。而



後服之。呂榮陽。朱子必休致而後服之。溫公訪于康節。康節曰。雍今人也。亦服今之服而已。智聞吾鄉三十年前。士夫多服

襜褕。敝衣也。禪衣。單直身也。袷褕。夾衣也。褶袴。戎服也。蔽膝。鞞

也。○直裾。禪

音丹

衣也。記曰。禪爲綢。通作褰。單衣也。襜褕

音占

取

其襜褕寬裕。小爾雅謂之童容。方言作襜褕。詩漸車帷裳。疏容。蓋謂之童容。四垂曰襜。所謂鼈甲緣邊之褌也。衣似之。故亦曰襜褕。或安侯。衣襜褕入宮。不敬。注云。若婦人服。智以爲襜褕大。敝無兩腋。襜褕積。故曰似婦人服也。黃氏因小爾雅注。與小顏說。鞞亦謂之襜。直以襜褕爲蔽膝。此特拘衣蔽前。謂之襜耳。孔文。舉以邊文。禮爲九州被則不足。爲襜褕則有餘。言遮一身也。豈



蔽膝乎。漢書蓋寬饒斷其禪衣。江充衣紗縠單衣。馬援都布單衣。陸閔越布單衣。方言江淮曰襟。關東西曰禪衣。今吾鄉謂之褻子。卽襟音也。通曰長衣。或曰直身。故兩京通稱道袍。卽漢之通裁也。士喪禮浴衣於篋。注浴衣。已浴所衣之衣。布爲之。其制如今通裁。方言袞明謂之袍。漢謂長衣爲袞。魏明半袞。言半大也。郭若虛畫記。隋唐謂之馮翼。今呼直裰。卽縫掖也。袷音夾夾衣無絮也。唐德宗在梁洋。尚服袷。褚之以綿曰複褚。裴衣也。南越傳上褚五十衣。注綿裴也。褚徒頰切黃氏音習袴也。唐韻袷也。玉藻帛爲褶。注有表而無著。袷一作襲。說文襲左袵袍。此則又近乎吾鄉之所謂褻矣。說文但以袴褶爲戎服。而不知與褶通之襲別。



自有義寧非誤乎。物原曰。宋太祖製海青截褶。效南蠻也。今吳中呼直身曰海青。恐是借其色。則截褶亦謂褻也。許慎旣以袴褶解襲。而孫恂又以袷釋褶。太淆混矣。褶自可訓袷衣。因袴褶立名。遂有左袷袍之目耳。師古曰。褶。謂重衣之罩在上者。其形若袍。短身而廣袖。一曰左袷之袍也。袴。脛衣也。大者曰倒頓。小者曰袷。皆上聲。此引方言也。方言止言袴。未言袴褶。恐師古亦誤。郭璞曰。倒頓。今電袴也。袷。今襦袴也。袴之兩股曰襠。龍音二。郭璞曰。今俗呼袴。跣爲襠。袴一作袴。朱博袷衣大襠。音紹。袴也。方言曰。襠曰襠。左傳褰與襠注。褰。袴也。無祠之袴。謂之襠。今犢鼻禪。合襠謂之禪。漢外戚傳。窮袴注。卽今之裍襠。相如犢鼻注。



今之粉也。姚令威云。醫書膝上二寸爲犢鼻穴。禪長財至此。此解未確。智按古袴上連衣。故戎衣謂之袴褶。呂範自請爲孫策都督。出便釋襦。著袴褶。師古所解重衣在上。正謂今之罩甲。半臂而短戎衣也。戎衣或從邊塞之制。故有曰左衽者。若單著袴而不著裙襦。則腳口象犢鼻耳。開元禮。皇太子正至受羣臣賀。若服袴褶。羣官及宮臣皆袴褶。太宗視朝。衣白練裙襦。常服則有袴褶。與平巾幘。通用翼善冠。其後朔望視朝。仍用弁服。三朝志云。窄袍烏紗帽。僊坐視事服之。開元李適之。奏冬至朝參。并六品清官服朱衣。以下通服袴褶。天寶志。五品以上著珂傘。貞元十五年。歸崇敬以百官朔望朝服袴褶。非古禮。罷之。奏可。蔽



務而句領謂冒而圓領也。○通典成王問舜冠周公曰古之人有帽而句領荀子哀公篇魯哀公問舜冠于孔子三問不對曰古之王者有務而句領者注務讀爲冒拘與句同曲領也尚書大傳冒而句領康成注冒覆頂也句領繞頸也唐志天子白羅



方心曲領。非圓領乎。艸木子曰紗帽圓領。唐服也。仕者用之。巾笠襴衫。宋服也。中環襖領。金服也。帽子繫腰。元服也。庶民用之矣。

方折領曰擁咽。○禮記曲袷注。謂方領也。疏曰。如今擁咽。若小兒衣。領但方折之。宋曰涎衣。俗名囁袷。說文襦。編臬衣。一曰頭襦。音歐。一曰次。音前。裏衣。次裏衣。卽涎衣也。

分裾曰袷。襴衣。言下有欄緣也。襞積之掖幅。謂之襠。○上馬衣分裾曰四袷。切。睽桂唐宦者。袷衫侍從是也。裳幅之屈曰袴。古侯切

亦可通裾。襞裳摺襞積也。師古曰。今謂之襖。說文曰。鞞衣也。鞞音券。鉉曰革中辨也。省作鞞。裳用橫幅。謂之襠衣。李昉言。禁舉子



白襴下服紫。唐初士人以棠苧襴衫爲上服。貴女功之始也。其開髻者曰軼髻衫。朱子君臣服議曰。上領有襴者。今禮也。國恤有大袖襴衫。朱子謂布襴者。服直領布衫則兼服布裙也。亦是揣度語。今生員襴衫。謂有襴緣也。方言帟。陳魏曰帟。關東或謂之襴。襴音碑。智按。今呼碑乃切。至元十年。言祭先聖宜變常服。陪位亦合襴衫。戴唐巾。

以不上船爲襟穿者。誤也。○續演繁露曰。范傳正作李白墓碑云。玄宗從白蓮池。白不在宴。皇歡旣洽。召作序。白已被酒於翰苑中。命高力士扶以登舟。按此卽杜詩謂天子呼來不上船者也。或者謂方言以衣襟爲船。誤矣。智按。以不上船爲衣者。冷齋



夜話也。蜀人呼衣繫帶爲穿。好奇者以穿作船。冷齋附會奇說。故取之。吳曾曰。始于王玄之詩話。以夏彥剛云。蜀以襟頭爲船。無據。

襜褕。言襦褕之蓋其外也。○六朝樂府有繡襦褕。鐵襦褕。解者但以爲袴視。此蓋褕褕之外。如罩甲類也。唐大仗有襦褕。唐朝集從事立外。州品子服之。有大口袴。紫附褕。文成官騎馬服之。則去襦褕。騰蛇。以此知爲罩甲也。唐文成郎黃紗袍。黑領襖。白練褕褕。布大口袴。後晉定樂八佾。有白練褕褕。正謂褕其上也。元史褕褕制如衫。吳處厚曰。天祐末。廣陵人服短袴。謂之不及秋。



布母縛。小衣也。棉胎曰核。○黃山谷曰。江東謂鵯鵯爲布母。布

母縛。

祖昆反

小衣也。猶犢鼻耳。方言注鵯鵯。江東呼爲布母。說文

歲貉中女子無袴。以帛爲脰空。用絮補核。名曰縛衣。

歲貉音穢。陌。夫餘國。

也。智見粵徭及南楚苗。婦人皆無袴。惟以布一幅斜鞞其體。自

脰以下露之。南丹及貴州赤溪以西之苗。則婦著裙。富者衣數  
裙。織絨爲錦緣之。

織緣曰偏諸。○賈誼傳治安策。縫以偏諸緣。師古曰。偏諸。若今  
之織成。以爲腰襜。及標領者。古謂之車馬裘。唐四品木路。五品  
輶車。皆碧裏。青偏幘。偏。言邊也。師古注。急就。又云條。一名偏諸。  
以縣係承塵。



諸于繡褊。半臂也。○光武紀三輔吏士東迎更始。見諸將過。皆冠幘而服婦人衣。諸于繡褊。莫不笑之。元后傳。獨衣絳緣諸于。師古曰。諸于。大掖衣。卽袪衣之類。是今之披風敞袖也。說文因作諸袪。繡褊。注。字書所無。智按。廣記載韓晉公見少年單練鬣。卽段成式之單練鬣。與褊同。謂今之半臂也。方言。無緣之衣。謂之褊褊。亦謂下無繞衿之幫緣。非長衣也。戎衣有罩甲。所謂重衣在上而短者。前似袪衣。或肩有袖。至臂臑而止。今日齊肩。邊關號曰褊褊。褊音孕又謂之褂子。漢以無袂衣曰褊。則今呼正自合古。魏明帝常被縹綾半褊。楊阜諫。其制正與諸于半臂近。更始將一時掠取。裁著之耳。褊衣。亦帽罩於外也。後周后服褊衣。



鳩衣。則蘇綽所造。因鳩名而立字。南史輿服志有鶯鳩。鶯鳩四色。鶯。白色也。鶯與鳩相訛。

唐隋尚半除。宋尚背子。○炙轂子曰。隋內官多服半除。卽今長袖。唐減爲半臂。智以宋之背子。卽半除也。陸務觀云。成都大家子弟。著蘆心布衣。紅勒帛。狹如一指大。又云。往時執政簽書文字。率著帽衣。盤領紫背子。至宣和猶不變也。童子時見前輩。繫頭巾帶於前。作胡桃結。背子背及掖下。皆垂帶。率以紫勒帛繫之。散腰則謂之不敬。石林燕語云。大父時。及家居。燕見賓客。率多頂帽而繫勒帛。猶未甚服。皆於帽下戴小冠簪。以帛作橫幅。約髮號額子。處室中。則去帽見冠簪。或用頭巾也。古者士皆



冠帽乃冠之遺製頭巾賤者不冠之服耳。勒帛亦有垂紳之意。雖施之外不爲簡背子本半臂或士服何取於禮乎。或云勒帛不假於搢笏故稍易背子然須用上襟掖下與背皆垂帶大觀間見宰執接堂吏押文書猶冠帽用背子今亦廢矣而背子又爲長袖與半臂製亦不同。馬貴與曰今朝服之禮非巾單乃不經之服如紫袍皂褙之類又言禁衛班直等緋綠紅盤離背子褙卽背也元以來女服褙子樂妓惟皂褙子是也。今命婦用霞帔背子元之命婦服金笄子卽帔也霞帔之名起于肅宗賜司馬承禎紅霞帔程大昌以背子卽褙中褙卽江克之褙衣誤矣褙衣對複袍而言也正如今之單直身而內有襯衣故曰中



襦背子面直襟而下掖無襪。宋時或有以之襯公服者。豈可以背子中襦。襦衣爲一乎。宋晉陽王林言婦人衫襖謂複衣也。

團花曰只遜。因元之質孫也。○政和七年正月。禮制局請墨車。士衣皂。夏縵皂質。繡五色團花。錦衣校尉。自擡輦以至持扇。通稱。鳴鞭者衣皆紅青玄。紡絹地織成團花五綵。名曰只遜。其帽曰臚包。按元大宴服質孫。冬則納石寶里。夏則鉞笠都納。質孫。漢言一色服也。無定制。上下皆服。精粗不同。同稱只遜。今單以衣校尉而書作只遜耳。其臚包卽五代時之鬚頭也。

豎襦。因名短襦。賤士之服也。○小顏云。襦音豎。僮僕所衣布長襦。

也。猶豎襦也。方言自關以西。襦褌短者曰褌褌。漢書褌襦不完。



後人多誤爲短褐。今見人論杜詩。凡短褐皆改爲短褐。此又拘矣。方言復襦曰袷。郭亦音豎。或曰筭襦。今筭袖之襦也。音豎必從禮。鄭作禮。

假鐘。今之一口鐘也。○周弘正著繡假鐘。蓋今之一口鐘也。凡衣掖下安襦。襦積殺縫。兩後裾加之。世有取暖者。或取冰紗映素者。皆畧去安襦之上襦。直令四圍衣邊與後裾之縫相連。如鐘然。

被頭。謂之被識。○鄭氏注純曰。以組類爲之。綴之領側。若今被識矣。疏曰。領爲被頭。側謂被旁。識謂記識。士喪禮緇衾。頤裏無純。丁敢反



復陶。絨褐也。○左傳楚靈王皮弁。秦復陶。注秦所遺羽衣也。一作毳衣。又爲主衣服之官。絳縣老人使爲君復陶。說文曰。褐編臬鞮也。或曰短衣。師古始解爲織毛布。然則叔慎止知有鞮鞮乎。今精者曰姑姑絨。出蘭州曰蘭絨。蓋倣吐嚕織法也。元笑答于鱗寄姑姑絨詩曰。我欲報之吳縞帶。何以遺予秦復陶。

古以黑爲羔裘。今以白爲羔。○周禮祀天鄭曰服黑羔裘。馮嗣宗曰朱子以羔裘爲大夫燕居服。其注檜風又曰諸侯朝服則矛盾矣。陳祥道以羔裘爲禮服。燕居必狐貉。智以爲古人偶用之。羅願曰羔裘用白。素絲亦羔色。此因近日羔裘白而言也。

褻服曰袂衣。○僖宗乾符元年王凝崔彥昭同舉進士。凝先及



第嘗袂

楚駕切

衣見彥昭博雅祔衽謂襖袂又有服宴褻之服而

遇服交際之服者必謝曰袂祖無禮言傻衣袖短也可見袂衣

之語起於唐人李陵傳傻衣師古曰謂著短衣小褻也黃魯曾

博聞本誤刻作小褻

帖領曰偃領○禮記被纁黼注卿大夫之妻刺黼以爲領如今

偃領矣爾雅黼領謂之襖刺黼文以襖領孔穎達曰偃領之制

亦無可知說文襖襖領也箋未詳智按謂偃領也領以繡緣二

十年前大家皆尚之方言帛領謂之被巾注婦人領巾也帛方

言文也必曰繡斧文非矣

禪祿中單也○儀禮中帶注若今之禪祿蓋襯通裁之中衫也



今吳人謂之衫。北人謂之褂。禪襖。正今兜袖單衣無襠者也。會典朝服祭服內單衣皆曰中禪。本古名也。唐侍御史六人衣朱縹裳白紗中禪。宋人通稱內衣曰中禪。則中禪卽汗衫矣。孔平仲曰。漢高與項羽戰。汗透中單。改名汗衫。程大昌以中單爲禪衣。而非汗衫。辨之。按汗衫謂其近身。中單謂其在中。理本可通。今以中單爲公服。而汗衫爲褻稱。安知古不通稱乎。成國曰。汗衣。詩謂之澤衣。或曰。鄒袒。或曰。盥袒。盥袒卽今貼身小背心。杭人曰搭脊。

衣圭。交輸裁也。○江克傳。曲裾後垂。交輸如淳曰。交輸。割正幅。使一頭狹。若燕尾。垂之。旁見於後。禮深衣續絰鈎邊。賈逵謂之。



衣圭。蘇林曰。如今新婦袍上褂。全幅繪角割。名曰交輸裁。禮記素紗注。如今袿袍襖重繪也。疏曰。漢有袿袍。其袍下之襖。以裡繪爲之。

宵衣。薄絹也。○士昏禮曰。姆纒笄宵衣。康成曰。宵如素衣。朱綃之綃。姆亦玄衣。以綃爲領。因以爲名。饋食禮曰。主婦纒笄宵衣。康成曰。綃。綺屬。此衣染之以黑。其繪本名曰綃。詩有素衣朱綃。記有玄宵衣。按詩無素衣。朱綃。康成二處一作綃。一作宵。必有一誤。一以爲領。一以爲衣。亦自相舛矣。綃又作繆。記曰繆幕。魯也。注讀如綃。生絲薄繪也。

加景卽幪。○儀禮士昏禮加景。注景之制如朋衣。加之以行道。



御塵。智謂非禦塵。以爲蔽也。北齊納后禮。有所謂加幬。去幬卽此字。今俗親迎。幕其首曰蓋頭。詩綱衣。一作額衣。繅衣。景衣。加幬亦尚綱之遺。

行膝。偏也。○詩邪幅在下。幅偏也。偏束其脛。自足至膝。內則單作偏。杜鄭皆曰。如今行膝也。唐府兵人具行膝。有胡祿。大鐺。氍帽。氍裝。行膝皆一。唐鹵簿服飾有赤綦襖。紫誕帶。行膝。吳下曰腳帶。

龍具。牛被也。○王尊傳牛衣注。編麻爲之。俗呼爲龍具。蓋蔽之襪被也。張思光脫衣贈人。披牛被而返。劉孝綽笑到溉黃臥具。謂被也。今徭人惟織粗絮繩爲被。其緯粗如小指。西粵呼爲榜。



被當是蜺被。韻憎蜺屬。或方文斜文。音榜。朱黼溪蠻叢笑。言乞  
猪揉茅花爲被。

帀敝帀殘也。○山谷注急就曰。帀帀音七裂也。說文帀帀殘帛也。

敝敗衣也。帀說文作帀。當隸作帀。

須捷猶言細屑。樓裂猶言藍縷。○方言曰布而無緣。敝而紖之。  
謂之縷縷。又曰楚人衣被醜敝。謂之須捷。亦曰樓裂。亦曰挾斯。  
智以樓裂卽藍縷之轉音也。陳後山和黃預久雨詩。貧可否須  
捷。恩當記戾戾。藍縷一作藍萑。楚世家華露藍萑。說文縷襦謂  
之縷縷。縷無緣也。正取方言之語。謂無飾也。凡夫乃欲以襦衫  
爲縷衫。而疑世之稱縷縷爲貧敝之狀。則未閱方言也。



紉。麤縫也。○趙世家卻冠紉。戰國策作鯁冠。紉縫。一本作  
鯁冠。黎紉。紉。綦鍼也。言女工內畢之拙。紉。謂紉也。儀禮外畢。斬  
衰也。內畢。齊縫向內也。卻冠者。紉。紉之紉。借用卻也。舊說鯁。鯁。  
以魚皮爲冠者。非也。蓋言其粗耳。

唐謂袪曰袖頭。小稱。宋謂袖口曰袖繳。卽出袖緣口也。○說文  
袪。尺二寸。引春秋傳披斬其袪。徐曰。今衣袖口。俚言袖繳也。禮  
記玉藻注疏云。謂袂末。又檀弓注。袂緣。袂口也。詩羔裘豹袪。疏  
云。是袖之大者。袪。是袖頭小稱。洪武定庶民袖。椿。廣一尺。袖口  
五寸。袖古作袂。通作袂。鄭注司服。以袂倭之。爲等殺。正謂袖椿。  
曾三異以貉袖爲罩子。徐克曰。搭護禿袖衫。



鷄納僧迎鷄之納也。鬱泥言其色也。舍勒內衣。祇支卽覆腋衣也。○遼園考金陵襍志載隋煬帝觀戒師聖種納袈裟一緣黃紋舍勒一腰。綿三十屯。鬱泥南布袈裟一緣。鬱泥南絲布褊袒一領。鬱泥絲布方裙一腰。鷄納袈裟一領。鷄納褊衫二領。四十九尺。幡七日。絲布祇支二領。和香二盒。又施天台山五十三佛織成經。檀七張。顧公因其名奇而載之。智按言觀謂襯施也。西域記云僧祇支正名僧迎鷄。此云覆腋衣。竺道祖云。魏時請僧於內。遂作此衣。因綴於左邊祇支上。今號兩袖曰褊衫。七條曰鬱多羅。僧用三種壞色。青。黑。木蘭。青謂銅青。黑謂襍泥。木蘭卽樹皮也。舍勒譯云內衣也。鬱泥謂鬱多羅泥色也。梁簡文帝有



謝賜鬱泥納袈裟表以陸務觀尼羅解此泥字非矣經檀謂誦經之綱也應法師舊作髦髦葛洪改袈裟具云迦羅沙曳此云不正色

屏息奉獻以掩鼻者○遯園曰太常供奉祭品如羹醢之類其奉獻人口鼻用物作長袋繫頸後俗名抵鬚非也志名曰屏息太廟以黃羅他祀以紅紵絹爲之家君戊寅署南太常篆智隨殿上竊瞻典禮不見有奉獻帶屏息者故事之廢豈一端哉惟鄒公濟所記求趺材之石龜猶存長尺餘首昂彷彿而已殿上設御榻張纈帷二寶座設黃綾茵褥前一朱案案皆鑿俎豆圓窵於案上以牲脯陳之兩傍設四十席亦無名號皆云舊制如



此。

繡。繡絲也。一作強葆。繡絲係。○說文繡束也。墨子曰。禹葬會

稽。桐棺三寸。葛以繡之。

補育切

公紹曰。孟康曰。繡絲。今小兒繡。一

作繡。史魯世家。成王少。在強葆之中。注卽繡絲。用布約小兒於

背也。史三王世家。皇子或在繡絲而立。爲諸侯王。封禪書。業隆

於繡絲。升菴引說文作繡。繡。又作繡。繡。而焦氏刊誤言繡絲別

作繡。繡非。智按說文繡。繡也。引詩載衣之繡。他計切。繡。負兒衣。

居兩切。繡。博抱切。臣鉉曰。俗作繡非。弱侯守徐說耳。然說文有

繡字。猶類也。包兒衣。非用粗繩爲之乎。从衣从糸。原屬累加。可

以繡絲。卽可繡繡。加艸加竹。而獨於空侯目宿。不許用筊篲首



藉何邪。升菴之襁褓。則誤以褓緜也。之訓。遂作襁褓。而又誤褓為褓。或刊誤乎。褓則褓之訛。

襦褓。即衣袷也。○漢文帝顧見其衣袷。一作褓。方言繞緜謂之

襦。褓。緜。衣督脊也。即袷字。身毒一稱天篤。緜亦音脂。如趙盾音遜。肥脂音突。可推。

禮記負繩及踝。以應直。注繩。謂袷與後幅相當之縫。謂背縫也。

凡夫謂內經褓脈。不當作督脈。拘甚。

衣外飾曰褓。即謂表也。○說文褓。繡領也。引詩素衣朱褓。蒲沃切

今詩作褓。毛氏曰領也。諸侯繡黼丹朱中衣。爾雅因毛傳。許氏

因爾雅。故後人以爾雅為人所增附。蓋此類也。褓與表。褓袷聲

轉。重之為袍。說文褓。古文表。又作褓。袷。袷。字本从毛。朱博傳袷



衣大紹謂在外之寬袍也。襮亦音抱。可思其聲。呂覽狄入衛。食懿公之肉。舍肝。弘演啼曰。臣請爲襮。襮正表暴之義。

縫解曰綻。補綻曰組。○說文袒。

丈寬切

衣縫解也。直翁載徐曰。今

俗作綻。內則衣裳綻裂。增韻亦作組。崔寔傳期於補綻。浚壤枝在邪傾。古艷歌行。兄弟兩三人。流蕩在他縣。故衣誰當補。新衣誰當綻。禮韻組字各出。今附。智按艷歌下文曰。覽取爲吾組。組綻同押。則異義明矣。細論皆分出之字。而當時亦有通借者。凡夫譏人以但裼爲袒裼。肉膾爲肉袒。而不知引此詩爲證。又按說文裼袒也。則許氏又以袒裼相通稱矣。安知非縫解之袒字誤邪。古定有殿音。綻與縣叶。



鞞衰生革履也。絨鞞緣履圓條也。鞞跣履也。絳緹長翁鞞也。鞞

鞞革履之缺前者也。○單底曰履。或絳為之。復底而有木者曰

舄。鞞踏音生革履也。急就履舄鞞衰絨緹絳顏本作鞞衰。謂鞞之

淺大者也。長楊賦聖人革鞞不穿。絨越音織絳為之。說文絨采章

也。廣韻絨紵布也。則潛夫論葛子升越之越矣。緹手加反履跟之

帖也。以絨為帖也。黃氏當作鞞音段會典品官居家服履亦有

紵作結而復長垂之。玄履紵綠即古紵絳也。鞞音今跣而著之。

鞞的齊切薄革小履也。周禮鞞鞞氏注鞞鞞四藝舞者所屣也。今

時倡蹋鼓沓行自有屣。鞞讀屣徐鍇曰今鞞亦履也。外國履連

脛謂之絳緹即今長翁鞞也。儀禮疏無紵謂之鞞屣鞞屣欲下



顏當反

切呼戈

袍烏紗帽。

也。新唐書

音索

禁國人服

之言有徐

獐皮也。

奇逆

音廣

卷之三

衣服

卷



屨擔簦。注：屨，草履也。繫。

方孔反

圓頭掩上之履也。說文：緹，系履。廣

韻：繫，小兒皮屨。音奉。又巴講反。智以爲今之鞋幫。升菴所云高

墻也。薦。

平裱反

麻，系雜履之名。曲禮：苞屨。注：凶服，苞，薦也。

薄，借，不借，乃鳥之轉聲。○漢文帝履不借。臨朝，陸放翁詩：穿林

雙不借。取水一軍持。子謙與京山皆引作唐人詩。遂曰：艸鞋，人

人所有，可不借而得。此因小顏注急就也。果爾，則不律爲筆，何

以解乎？古人用不字爲發語聲。正如夫字。如夫襦爲劍衣也。借

字。古少家麻音，亦讀爲昔。昔與鵲，脂錯通聲。周禮：玉璫，注：有薄

借，綦，卽不借也。儀禮：喪服，繩屨。注：今時不借也。

通雅卷之三十六終



通雅卷之三十七

桐山方以智密之輯著

同里姚文燮經三較訂

衣服

佩飾

鞶帶革帶也。古垂末而今圍之。功服宮袍帶猶垂之遺式也。○  
左傳鞶厲游纓。昭其數也。注鞶紳帶也。一名大帶。厲大帶之垂  
者。莊二十一年。夏鄭伯享惠王。王以后之鞶鑑與之。注鞶帶而  
以鑑爲飾。今西方羌制爲然。古之遺服。襄二十九年。吳季札聘  
鄭。見子產與之綈帶。注大帶也。定六年。衛公叔文子曰。定之鞶  
鑑。易鞶帶。詩都人士。垂帶而厲。疏禮大帶垂三尺。凡蘭垂帶悖。



今鳴鳩淑人君子其帶伊絲箋大帶用素絲有雜色飾焉禮男  
鞶革女鞶絲婦事舅姑施鞶褱周禮疏凡帶有二大帶大夫以  
上用素士用練卽紳也今插笏者於身之外帶之內又有革帶  
所以佩玉帶劍或王有帶銘魯語卿之內子爲大帶注緇帶也  
楊子今之學者繡其鞶悅田單黃金橫帶智按但云大帶則今  
之鞶帶與行服影帶之類鞶帶則後世金銀帶之權輿矣或以  
衣衿帶爲小帶則圍帶通可謂之大帶其云緇帶則必奕帶也  
孝文遺北地黃金劔具帶一黃金犀毗一注孟康曰要中大帶  
智謂劔具帶正沈休文移孔張思光寬至髀是也若犀毗則鞶  
帶也晉志革帶古之鞶帶也其有囊綬則綴於革帶鄧遵禮圖



曰璫綴於革帶。阮湛以爲有印章則佩之。隋李德林傳。開皇元  
季。勅德林與于翼高頰等。同修律令。事訖。賜九環金帶。唐志唯  
天子之帶有十三環。元魏帝解所服金縷玉梁帶。賜侯莫陳順。  
房玄齡傳。太宗賜玄齡黃銀帶。開元七年。徙宋王憲爲寧王。上  
自解紅玉帶。李載義傳。太和三季。平李同捷。文宗賜白玉帶。裴  
度傳。御通化門。臨遣。賜通天御帶。舊紀云犀帶。白敏中兼邠寧  
節度。賜通天帶。李德裕進太尉。封敖州。其制。解所賜玉帶贈之。  
李光顏傳。還鎮忠武。賜玉帶。李靖破蕭銑時。所賜于闐玉帶十  
三胯。宋建隆元季。賜宰相樞密犀玉帶。熙寧解白玉帶。賜王安  
石。宣和七季。賜皇太子碾龍排方玉帶。端拱中。作瑞艸毬路文。



方團勝帶。景德四季。賜太子太師呂蒙正金帶六種。御仙花帶。毬文四方五團。御仙花排方金塗帶九種。有寶斚荔枝雙鹿之別。伎術官銀帶。金束帶八種。犀帶二種。熙寧中。宗旦宗諤告謝。特賜毬文方團金帶。宣和後。宰執侍從。以花犀帶入朝。高宗開大元帥府。服排方玉帶。熙寧八年岐王顥。嘉王頤言。蒙賜方團玉帶。凡玉帶。乘輿排方。東宮不佩。馱馬都尉賜白玉帶。宗室服金雕玉。白玉通犀帶。今時革帶。前合口曰三台。左右各排三圓桃。排方左右曰魚尾。有輔弼二小方。後七枚。前大小十三枚。唐之十三勝。卽此式之初式也。但下必有小環繫。如今馱馬管領紅盔大漢者。披執大殿門。則有鬧粧帶。其式近之。白樂天詩。



親王轡開粧因其名而名帶也。唐高祖賜李靖七方六剡勝各附金環佩火鑑大觿算囊椰杯等物是也。李昉言荔支帶非恩賜者官至三品乃得服。宋陳隋隱著帶格王及西府有笏頭一字華士海捷內侍用毬路教坊用凹面今時謝恩公服襖頭四品以上用荔支金帶笏垂一帶尾。

帶頭垂者曰銚尾。○宋志以垂頭名銚尾取順下之義卽魚尾也。遼史衮服有玉鵝七銚尾元志用金打釵水地龍鵞眼銚尾今誇官帶曰撻尾撻尾亦唐名也。王洙曰唐撻尾刻字李昉有帶刻六龍朔某年紫宸殿宣賜鄭畋程大昌載黃繡緯取獺尾着腰恐不因此。



犀毗通作胥紕師比。或轉爲鮮卑。鵠鵠。今之鞮帶也。○漢文和親。東夷使係虜淺來。予以繡袷綺衣。比疎一。黃金犀毗一。比疎。史記作比余。師古曰。辨髮之飾也。實卽比梳。史記犀毗作胥紕。張晏曰。鮮卑。郭絡帶。瑞獸名也。東胡好服之。楚辭小腰秀頸。若鮮卑。只注帶頭。言腰頸細如束帶也。又名師比。戰國策。趙成靈王賜周紹興帶。黃金師比。延篤云。弧革帶鈎也。淮南主術訓。趙成靈王貝帶鵠鵠。而趙國化之。注鵠鵠二字。三合音私鉞頭也。卽犀毗。三國志。魏文帝賜劉禪郭絡帶。梁吉士瞻得金革鈎。晉泰始中相尚。以氍爲陌頭。及絡帶袴口。吳謠鈎絡。鈎帶也。漢鵠冠貝帶。製與此相近。遼或官束鞞鞞帶。扞腰。卽鈎絡。今日鞮帶。



汀韞音郭若虛記七事跼蹠从韋从革从足通用

鈎鑿卽所謂螳螂拘也。○晉語矢集于桓鈎蓋革帶有鈎以拘

之後世謂之鈎鑿

丑列反

阮湛曰鑿螳螂拘謂之拘鑿荀卿曰縉

紳而無鈎帶陳暘禮書曰唐以玉爲鈎鑿與古異矣按隋志采  
用東齊之法十二等衣有織成升龍白紗內單黼領青標襖裙  
革帶玉鈎鑿大帶素帶朱裏紕其外皇太子則金鈎鑿此唐因  
隋隋因江南也

綉袍肚卽勒帛腰圍也。○宋大卿監以下不給錦袍者加以黃  
綾綉袍肚卽包肚也勒帛者以帛勒腰也襍俎載穀城石人刊  
其腹曰磨堯韉磨堯韉慎勿言智以堯韉卽堯肚如馬之韉勒



也。崔實論馬駘其銜方將拊勒韃轡以救之。橐韃亦言包也。他處所引如詩紀作磨堯堅聲近相借耳。博雅襦褱謂之褱服。褱服卽抹腹蓋堯韃也。恐非襦褱。

效改剛卯也。漢靈受佩也。衝牙佩中瑀璜之梁也。滕繇言其繇也。奩袋合奩符之義也。唐以袋盛奩。宋以奩飾袋。○明帝乃爲衝牙雙瑀璜以白玉落以白珠。公卿采繇佩刀金通身。貂錯半。數奩鱗金漆錯。雌黃室五色。繇隱室華。侯王金錯環半。數黑室。公卿皆黑。不半數。小黃門雌黃室。或將白虎文以白珠數爲鏤口之飾。刀鋒白鏤佩雙印。長寸二分。方六分。一本云方七分。乘輿諸侯王公列侯以白玉中二千石至四百石皆以黑犀。三百



後漢書疾  
日上有庚  
疫剛瘴莫  
我敢當八  
字卽合下  
文凡六十  
六字數

石以下皆以象牙。上合絲。乘輿以璘貫白珠。赤廚韃。諸侯以下以繇。赤絲韃。繇各如其印質。刻書文曰正月剛卯既沒。靈爰四方。赤青白黃四色是當。帝令祝融以教夔龍。疾日嚴卯。帝令夔龍謹爾周伏。化茲靈爰。既正既直。既觚既方。庶疲剛瘴。莫我敢當。凡六十六字。王莽傳。劉之爲字。卯金刀也。正月剛卯金刀之利。皆不得行。注服虔曰。剛卯以正月卯日作佩之。長三寸。廣一寸。四方。或用玉。或用金。或用桃。著革帶佩之。晉灼曰。刻其上。面作兩行書云云。師古曰。金土中。徃徃得玉剛卯者。韓詩外傳。齊桓公出遊。遇一丈夫帶著桃爰。問之曰。人之戒在桃爰。來季正月。庶人皆佩。智按卯伏爲黃道之門。故取卯日也。此制後代



不沿而衝牙至今用之。今叮嚙中兩橫三垂是也。但不用珠耳。天子諸王露垂之。百官以紅紗囊映之。唐宋以來皆佩礪石。金魚袋。今亦無此。唐初職事官三品以上賜金袋。刀礪石。一品以下有手巾算袋。佩刀礪石。睿宗時罷佩刀礪石。而五品以上佩韜褭七事。佩刀。刀子。礪石。契苾。真噉厥。針筒。火石。是也。泉男生率眾內附。高宗賜袍帶金鈿七事。帶之制。三品以上玉梁寶鈿。五品以上金梁寶鈿。六品以下金飾隱起而已。腰帶一品二品銙以金。六品以上以犀。九品以上以銀。元和鄭餘慶請自金唯職事官佩劍綬。會要。永徽京官文武職事四品五品並給隨身魚袋。天授元年改內外官佩魚爲龜。至神龍復佩魚。朝野僉載。



上元中佩刀礪算袋紛帨爲魚形結帛作之開元元季令特進  
佩魚散職佩魚自茲始後恩制賞緋紫例兼魚袋謂之章服景  
雲二季魚袋著紫者金裝緋者銀裝炙轂子曰魚袋古之算袋  
取合魚符之義宋雍熙郊祀畢內出魚袋賜近臣由是文武皆  
佩魚紫以金緋以銀馬永卿曰今魚袋乃古魚符必以魚者分  
左右可以合符唐以袋盛魚宋以魚飾袋王麟洲得一古剛卯  
卮言曰剛卯殺改也因陶九成之說也玉篇作開改卽以開音  
殺程大昌譏說文分音殺字疑王莽所鑄此時改而大之邪今  
按說文甚明但漢志未載殺改耳陶九成又云得黃山谷辨剛  
卯說但云絲絲繩也古無此字蓋所引漢志赤絲繩縢絲是絲



誤爲繇耳。繇卽絳字變體。

綸組纒綬印綬也。

○綸

說文古還切六書故但音龍春切

青絲綬也。有秩嗇夫

所帶。糾青絲綬。張華云。綸如宛轉繩。仲長統傳。身無半通青綸

之命。輿服志。百石青紺綸采。宛轉繆織。長丈二尺。組綬類也。周

禮典。絲受文。絲組。戰國策。衛君束組三百緇。景帝詔纂組。注纂

赤組也。組者。今綬紛條是也。纒

音逆

綬之絲。古佩璲也。漢青綬以

上纒。皆長三尺二寸。與綬同采。而首半之。自五霸迭興。解去鞞

佩。畱其係璲。以爲章表。故詩曰。韎韐佩璲。鞞佩旣廢。秦乃以采

組連結於璲。光明表章。轉相結受。故曰綬。漢承秦制。加以雙印

佩刀之飾。明帝爲大佩衝牙。自侯王鞶綬而下。有紫青墨黃。以



別高卑。朱浮言綬工李涉穹。六家所織綬不能具丙丁文。能如組狀。募能爲丙丁文。謹圖畫一綬丙丁制度。綸之二音。智以爲刪韵彪。又音彬。又音班。隣本鄰。又音闌。皇甫謐釋勸文用青紫班隣。矜亦讀鰥。殷轉爲烏閑切。故蜀成侯綸巾。讀若鰥。此漢末之音。而唐以來止讀爲倫耳。升菴以音關者作紉。其實古無紉字。

大筆猶簪筆也。○漢書張安世持橐簪筆。事成帝數十季。注張華曰橐契囊也。近臣負橐簪筆。從備顧問。或有所紀也。師古曰囊所以盛書。無底曰橐。簪筆者插簪於首。西門豹簪筆亦如此。注魏志明帝見殿中侍御史簪白筆。側階而大問曰此何官也。



辛毗曰御史簪筆。晉志古者貴賤皆執笏。笏者有事則書之。故常簪筆。今之白筆。是其遺象。三臺五省。二品文官簪之。王公侯伯子男卿尹及武官不簪。加內侍者乃簪之。尚書令僕手版頭。復有白筆。以紫皮裹之。智按談苑曰。梁職儀入座尚書。以紫紗裹手版。垂白絲於首如筆。宋志朝服。肩上有紫生袷囊。綴之朝服外。俗呼曰紫荷。或云漢代以盛奏事。負荷以行。晉志入座尚書。荷紫。以生紫爲袷囊。綴之服外。加於左肩。昔周公負成王制此服。至今以爲朝服。智按周捨問著紫荷囊于劉士深。卽此索隱注史記簪筆。乃以目擊本朝之制。揣摩古人耳。其實安世西門豹之簪筆。猶之載筆帶筆。豈必插筆於首乎。晉有此制。宋紹



興中禮官言皇子七梁額花冠金鍍銀大筆金元志亦有貂蟬大筆金大筆銀大筆之分以昭官階今無此制卽起居注不過袖筆而已李靖傳五世孫彥芳太和中獻家藏太宗賜靖詔書有佩筆以木爲管金玉飾之漢賜筆札筆刻云北宮工作洪武公侯朝冠猶有大筆之名

笏囊始于蕭梁○唐史言張九齡始爲笏囊盛笏蓋自蕭梁已有紫囊盛笏矣笏詳書札部類

算牒算袋也○前外戚傳中黃門持詔記盛綠綈方底注厚綈方底盛書囊形如今之算牒本艸言鳥鰾魚乃秦始皇算袋所化算袋卽算牒或則天賜朱前疑緋算袋又日照袋晉公記王



太保從蒼頭攜熨袋貯筆硯熨袋以鳥皮爲之陶穀曰唐季有方便囊

帡錯簾綆也○三朝記屬車上施紫通幃絡帶門簾皆繡雲鶴紫絲網帡錯楚謂大巾曰帑通作紛內則右佩紛帨周禮莞筵紛純注紛如綆有文而狹卽今汗巾有綆者也錯說文以今有所冒也廣韵曰器物錯頭外戚傳切皆銅沓冒卽錯字此言車上垂簾網絡紛冒也廣韵有幘字李肇言青綺方褱宋敏求言官誥分紅紫絲網金銀帑褱褱褱通

帑鞬鉤袒也○淳于髡傳帑鞬鞬

鞬音紀鞬音溝帑本作帑居倦切又平聲說文

曰囊也今鹽官三斛爲一番徐廣曰帑收衣裒也小司馬曰紀



免切。智按卽今之絡袖類篇曰囊有底曰帀。韓扞臂也。脰又與跽同。小跪也。如今之半跪。或安傳半膝席是也。董偃綠幘傳韓張克放紕脫韓皆謂臂上帀韓也。鉤祖周禮注如今擐衣也。釋文作擐。疏曰若漢時人擐衣以露臂皆謂如今卷袖或韓臂亦相近。

列。擐。擐帶也。○北魏禮志方陳鹵簿列步騎四重列。擐建旌南史王琨傳曰初征謝晦有紫擐在匣中擐卽擐从票增加耳。擐蓋施影帶之類也。陶貞白與梁武帝啟曰蒙給二卷伏覽襍帖皆如聖旨。升菴引晉志中官紫擐外官絳擐晦伯正陽非之非也。王伯厚亦載此蓋擐標影擐擐皆通用而本於標今本或作



標而通典通考作標。金史有舊辦樺鏹口。乃刀箭飾也。淮南曰雞栖井榦。櫟林櫛櫛則亦謂桼梲拱斗之伸出者。魏書裴粲傳善自櫟置。它言節烈櫟門閭者甚多。卽作標表用。

爻閭。帳息也。○汲冢王會解曰。外臺之四隅。張赤幣爲諸侯。欲息者息焉。命之曰爻閭。注每角帳息者。隨所近也。諸侯稱爻。愚未知其解。鄉射禮受算之處曰閭。獸名如驢。一角岐蹄。古大射刻木象之。爲受算。一曰交閭。近世撐木加互以建帳。其行時撤而載之。如今可坐者曰交牀。此閭仍象屋門。爻有交。象交木撐帳也。唐宴鋪百官皆有幔舍。見徐堅傳。周禮幣幕之制是也。石林燕語載宋殿廬幕次。



繖因古之繆。○晉輿服志功曹吏繖扇騎從退之用張大傘傘始見于南史王縉以笠傘覆面魏書裴延儻傳山奴持白傘白幡按說文慘旌旗之旃爾雅繡帛繆注眾旒所著正幅爲繆此卽繖之原升菴謂傘亦古文

衣服 布帛

無文曰縵刺繡曰紕錦繡之質曰地○錦織綵爲文也繡刺綵爲文也左傳注五色備謂之繡一作綉繆莫半切無文之帛也漢律

曰賜衣者縵表白裏周官卿乘夏縵鄭氏曰無瑑也傳曰絳服

衆縵杜氏曰無文也音與漫平鞞切謨官通凡祭祀奏縵樂謂琴

瑟之屬被之以絲學記操縵是也紕莫到切見急就章一作純調刺七亦反也



凡錦繡皆有地。魏志賜女倭以絳地交龍錦。絳地。縐栗烈。裴松之不知。乃欲改地爲綈。引漢文弋綈。殊可笑也。

最細曰織。稍粗曰縐。漚縐曰練。并絲曰縑。扁緒曰縑。○小顏解。縑爲素之精者。而又曰縑。此皆由康成臆說。以織爲黑經白緯。故後人無憑耳。按禮以縑爲未純吉之服。而縑冠以素紕之。明縑粗于素也。祥而縑。禪而織。則細與如常。其解縑爲細縐者。非矣。禹貢厥篚玄纁。縑玄白二色。而織縑二種。織爲最細。縑稍粗也。確矣。其曰練者。漚縐也。煮縑而熟之也。慌氏漚絲。漚帛。馬后衣大練是也。單曰素者。絹之精白。用書寫也。素。白縐縐也。小爾雅謂縐精曰縑。縑粗曰素。皆臆耳。劉向典校書籍。先書竹。可繕。



寫者以上素。淮南子曰：素之質白，縑之性黃。此以縑爲今之生絲綃矣。說文：縑，并絲縑。此以爲今之雙絲矣。當以淮南爲是。二丈爲端，二端爲匹，兼義也。說文：縑，并列切。扁緒也。唐貢豫州雙絲綾，錦州雙紉，兼絲也。杭曰白編，扁緒也。郭璞曰：短度絹曰葉輸，言薄也。薄者扁緒。今杭州杭緒，應是此類。

織素爲文曰綺。光者曰綾，冰素方空，縠羅皆紗也。紗至輕者曰輕容，縠厚縑也。經，綿紬也。紬之粗者曰絰，精者曰綿，甚粗曰絮。○綺，文縑也。織素爲文曰綺。魏都賦：羅綺朝歌。子虛賦：雜縠羅。已明是今紗羅之羅矣。陸務觀曰：遂寧出越羅，似會稽尼羅。今三梭羅，師古曰：綾，今之雜小綾也。戴氏曰：絕地而織文者也。唐



潤州貢方碁水波綾。豫州灘鵲綾。定州兩窠綾。澧州龜子綾。閬

州重蓮綾。釋名曰縠。

胡谷反

紗也。所云霧縠言其細而起雲耳。章

紀詔齊省冰素。方空縠吹綸絮。皆紗。許氏曰細絹不如劉熙矣。

紗之至輕者曰輕容。唐類苑云輕容無花薄紗也。王建宮詞嫌

羅不著愛輕容。李賀詩蜀烟飛重錦。峽雨測輕容。元微之寄白

樂天詩白輕容是也。賓退錄言宋貢輕容方紋紗。伯厚以縐與

縠并稱曰紡絲而織之。詩有縐絺。蓋今之縐紗。實雙絲紡線而

織者也。重三斤五兩。謂之平紬。范睢綈袍。

綿杜反

注蓋今之紬也。

絡卽生縠。縠卽縐字。

商支反

俗作紬。一曰今之綿紬是也。說文縐。

粗緒也。廣韵縐繒似布繭。古作繭。蠶絲白色也。衣以繭絮之曰



繭續爲繭組爲袍。記曰：子羔之襲也。繭衣裳。鄭曰：若今大襦。抽引粗繭，紡而織之曰紬。紬之粗者曰絺。胡卦反繭滓所抽頭絲也。

今河南與桐城皆有很頭土紬，甚粗，衣之起毛，可作袍。漬繭擘

之精者曰綿，粗者曰絮。今謂新者曰綿，故者曰絮。古言續，卽綿。

續或作紬自古至唐初，尚未知木綿之可以爲絮。董京乞殘碎繒絮，

陶潛言敗絮自擁，皆非今之絮也。北周制庶人以上聽衣綢，綿

綢，絲布，圓綾，紗，絹，絹，葛布，九種。綿綢卽綿紬，絲布以絲襍布縷

織之，身之曰。今兼絲布，圓綾，土綾也。紗，方目紗也。絹，細縑，絹，生

絲而薄也。古背繆通葛布，葛越夏布。今人絲兼綿紗，織成溫更。

不知古人雜麻何如也。身之卽以爲今兼絲，恐尚不同。元豐九



域志言貢物有隔織十八匹縹絲縹二十匹

宮纈卽宮錦也。○詩錦衣狐裘禮玉藻居士錦帶以五色絲爲

之字从金言貴也。唐明皇以宮錦袍賜李白通作纈杜牧之詩

花塲團宮纈杜甫詩內藥繁於纈魏書高陽王傳奴婢不得衣

綾綺纈止於縵縐而已北周書宇文護傳著紫織成纈通身袍

并與錦同小說裴晉公午橋莊有文杏百株大碎錦坊韓退之

詩碎纈紅滿杏注作醉纈引李長吉醉纈拋紅網碎纈卽碎錦

唐玄宗以韋妃蜀纈袍覆學士韋綬

唐有夾纈之名○薛濤詩夾纈籠裙繡地衣元染工有夾纈檀

纈三套諸名唐語林曰玄宗時柳婕妤妹適趙氏使工鏤版爲



雜花打爲夾纈。因獻王皇后一疋。上賞之。遂廣其製。蓋卽錦文也。夾纈言夾錦也。元林珙誠齋雜記亦言此事。計敏夫載崔詹事遺王璘夾纈數匹。璘翼日以作單襜褕衣之。元費著蜀錦譜有八答暈。六答暈。錦簇。四金雕。錦盤。毬錦。大窠。馬大毬。錦雙窠。雲雁。錦輟耕錄言。暉卷有姜牙。方拱。疊勝。回文。諸錦。升菴言宋有樓臺。錦。擣蒲。錦。毬路。錦。毬路卽今毬門。錦。費著所列不全。鈿窠。錦上雲龍之地也。○冕上輅上亦用之。宋仁宗景祐詔。冕版。犀。瓶。琥珀。瓶。悉罷之。以青羅繪龍麟飾。冕筩補空地。以雲龍鈿窠。九章衣亦云鈿窠。及珠璣飾。紹興製大安輦。有結條雲龍鈿窠霞子。通考誤作細窠。今按金史元史皆有簪窠款幔組帶。



鈿窠。又言金鈿花鈿窠。

服瑣。服之紋如連瑣也。綸幣。錫布之尤精者也。○綸。

大候幣。

子移

反說文無此字。當是貫通。有曰綸貫布也。師古曰服瑣。細布織。

為連瑣之文也。綸幣。錫布之尤精者也。郊祀歌。曳阿錫。

先狄切。劉氏作

半歧切。合溪作他計切。恐誤。

注阿。細繪也。錫。細布也。淮南子言弱。綸羅。執士。

喪禮曰。明衣裳。縗。縗。鄭氏曰。裳飾在幅曰縗。

毗支切。

在下曰縗。

似是臆說。說文。縗。細布也。或作縗。燕禮。公尊。冪用綌。若錫。錫。縗。

通。錫。十五升。抽其半。總加灰。錫。治使滑易也。西京雜記曰。五絲。

為縗。倍縗為升。倍升為緘。倍緘為紀。倍紀為縵。倍縵為縵。縵。縵。

尼攝

切絲。接岐也。縗。亦縗也。莊子。挫鍼治縗。

古隘切。縗。子紅切。又去聲。

史景帝令。



徒隸衣七綬布。正義曰：蓋今七升布，言粗也。戴侗曰：如西京雜記之說，當爲八升。七綬當爲五十六升矣。侗恐誤算，智按：倍緡爲升，言十絲也。一綬當爲八十絲，七綬正七升也。漢書：十綬布二匹。孟康曰：綬八十縷也。一縷卽一絲，升卽十字之轉聲也。總裋三升半，大功布九升，小功布十一升，則以多爲細。總十五升，一曰兩麻，一絲布也。唐地理志：泗州、楚、滁、黃、萊、密州貢賁布、夔州貢錫布。又巴、渝貢布。此時或水綿已入中國，當爲綿布矣。外國自古有綿布，如楞嚴結白疊巾。南史載：外國多白疊布，皆以吉貝樹花爲之。唐隴右道貢白氎，劍南道貢交梭彌牟布，嶺南賊蕉紵。按外國志：荅烈，古大宛也，有瑣伏花毳。洪洲載織鳥毳。



爲瑣伏。又作鎖袂。今實有瑣服。自廣舶來。今廣州人亦能假之。似素紡絹而自起雲。京師呼爲瑣附。左機子雲蜀都賦。細都弱析。析卽緡也。列子衣阿錫。張湛曰。阿細縠。錫細布。淮南亦云。弱緡。細布也。升菴云。阿錫對齊統。阿地名。此又一說。刻絲法起于宋。出定州。見莊季裕雞肋。周密陶九成皆作克絲。

有納文者曰納布。○劉裕微時伐荻。有納布衣襖。以付長公主。緡流有納頭。因書爲納。遂有極精工者。細襞積緡而起也。今松江織成有指甲。魚鱗水波之紋。智按王會圖曰。於越納。注謂納貢也。諸國各書貢物。而于越總言納字。非也。必其時已有細納。緡積之布矣。太平御覽有汲衣子妻李氏與夫書。并致納一端。



高麗傳言高麗渡水見一人衲衣隋煬帝覲戒師有鷄納袈裟  
褊衫。

火毳火浣布也。又有瑣瑣有石絨有火蠶綿。○神異經南荒外  
火山有鼠毛作布。十洲記炎洲火林山有火鼠織其毛爲布。郭  
氏玄中記曰炎山在扶南國之東加營國之北諸薄國之西從  
四月而火生十二月而火滅正二三月火不然但出雲氣而艸  
木生枝條至四月火然艸木葉落如中國寒時行人正二三月  
行過此山取此木以爲薪然之無盡取其皮爲火浣布。南史亦  
載扶南東大漲海海有二洲洲有諸薄國又千餘里有洲洲上  
樹生火中爲火布今有之微黃白似木棉絲垢則投火中卽潔。



後漢書外夷傳。火毳注云。火浣布也。梁冀服之。聖證論曰。漢制舊優曰史利。云初不信。正始中得火浣布。乃信。卽此物也。元史別怯赤山出石絨。卽火浣布。升菴曰。火浣布出蜀建昌。白如雪。出于石隙。元史所謂石絨也。陶九成言回紇野川有木曰鎖鎖。燒之火不滅。不灰。取根製帽。如火鼠布。今火州又出火蠶綿。則瑣瑣與石絨與火鼠布。火木布。火蠶綿。蓋五種矣。孟奇以逸周書所謂疑雪當之。

外國布曰白氎。○唐地理志。隴右道厥臧有毛氎。白氎。劍南道有交梭彌牟布。南史高昌國出艸實如纊。曰白疊子。可爲布。中天竺亦出白疊。楞嚴經言白疊巾。卽此布所爲也。林邑國有古



貝櫨花如鷺毳作布。智以古貝卽吉貝也。今廣東有之。亦曰木  
棉。高數丈。呂宋人來載西洋布。白膩精密。云有艸織成。又有毛  
布。以纏頭者。卽彌牟也。李石亦言古吉之訛。李東璧云。當是古  
字。古貝是木棉。木本。古終是木棉草本。自宋入中國。鄧潛谷云。  
元時入中國。智按李石唐人已言之。義山詩。蛺蝶飛迴木綿薄。  
方勺引李宗詩。腥味臭中墨衣裁。木上棉。梁武帝有木棉皂帳。  
其來中國久矣。外國志。劉宋元嘉時。伽毗黎獻金剛指環。吉貝  
等物。吐蕃貢霞毼。卽今紅氍毹。升菴引揚雄蜀記。雲南越毼氍。  
音豆氍毹也。作氍者。音轉耳。晉載記有毼毼。毛布也。方言。揄鋪  
分氍毹。毼也。皆氍毹之聲也。



越也。卉也。皆艸服也。楊布。卽荅布也。○越。蒲屬。可緝布。禮有越

席。

越音活

書卉服。卽葛越。文選孫氏檄文。葛越布于朔土。注。葛卽

葛藟。越卽蕉苧黃艸之屬。馬援都布單衣。注。卽荅布。郝氏引史

記貨殖傳。楊布。注。楊布。白疊布。漢鄧后賜周馥貴人白越。潛夫

論。葛子升越。荊州記。秭歸女盡織布。至數十升。謂之升越。六研

齋筆記。大食國貢白越。議。晉令曰。士卒百工。不得服越疊。蓋兩

種布也。按。楊卽荅。番布之稍粗者。南史言外國白疊。卽爲布。或

言安子艸織。氎者。字書加毛耳。凡夫改疊作襟。不必矣。高似孫

引漢書荅布。此荅之訛。

彌牟。蘭干。言細紵也。○唐志。劍南貢交梭彌牟布。山南貢絲綸



蘭干。華陽國志言寧州有梧桐花可績爲布。幅廣五尺。此卽木棉樹開花。常璩誤記耳。又言有蘭干細布。織成文如綾錦。蘭干僚言紵也。彌牟言細也。或曰牟爲纏首者。方子謙載橦木花可爲布。卽常璩之言桐花可爲布也。或當時彼方之言。以木棉爲橦。又唐勝銀州貢女稽布。滁沔麻貨布。黃州紵貨布。蘇州紅綸布。

凡布細而疏者謂之總。○見儀禮總衰裳。注今南陽有鄧總。疏言鄧氏造總。余謂鄧州所產也。後凡喪帳曰總帳。

速夫。毛布也。納石失。納貼可。皆金錦也。○元史天子質孫服青速夫。回回毛布之精者。又有怯綿。乃剪茸也。寶里服之有襴者。



也。納石失。納貼可。皆金錦也。元冕服及輿禕用之。

西域細布。謂之屈朐睽婆。○瀛涯勝覽云。榜葛刺國。出沙塌兒布。闊三尺五。長四丈。若三梭有。驀黑驀勒。闊四尺。長二丈。背面皆毳絨。厚可五分。卽兜羅錦也。日南國棉布。名考泥啞奧。古里國布。名檨黎。此云西洋布也。闊四尺五。曰卑。汨者。榜葛刺華布。名曰滿者提。亦其國薑布名。曰沙細者。巴附者。亦其國密實布。名闊五尺。如生羅。卽羅布也。吳錄交趾定安縣。有木棉樹高大。實如酒杯。作布名縹。音泄一曰毛布。南華志。六祖信衣。九條金縷。卽屈朐布。西域以屈朐。大細布也。睽婆。木棉也。迦波羅。玃貝也。卽木棉樹。則辨古貝吉貝者。証以玃貝。則吉爲近。洪洲載夷貢。



有苾布。油紅布。絞節智布。撒荅刺布。紅八者藍布。覬木里布者。抹黑荅大布。

外國罽曰毼毼。○後漢西京南國傳。能作青頓毼毼。烏桓傳。作

毼毼。

上力于反。下胡遼反。

注。剡也。智謂剡乃毯耳。說文引詩毳衣如綯。亦

以爲毯也。南史高昌國。獻蒲桃毼毼。卽今所謂蒲桃錦毼毼也。

風俗通織毛褥曰毼毼。亦作毼毼。古樂府坐客羶毼毼。毯毯五

木香。毯毯卽毼毼。

音榻。登。

中天竺有毼毼。今日毯毯。秦蜀之邊多

有之。似褐。五色。方錦。從外徼來。廣中洋泊亦有至者。又名多羅  
毼。其大者曰罽。方數丈。彼中依堂作羶故也。伊尹獻令曰。請今  
以丹青白旄。紕罽。江歷。龍角。神龜。爲獻。注江歷。珠名。西海有文。



旄何承天纂文曰紕氏罽也

紕卑疑反罽居例反

說文作罽又作氍西胡

毳布范成大言黎單黎幕今海南有之皆以絨作錦或織成字

廣西辰州土司皆有洞錦皆絨納之非毛毳也唐渝洪壽等州

貢葛楚州貢孔雀布謂花文如孔雀卽南州班布之類無功載

耗翅細葛也見通俗文按道昭耗耗罽也唐韻作耗耗恐誤

生苧謂之黃潤○凡將篇黃潤鮮矣宜製禪蜀都賦箒中黃潤

一端數金左思賦黃潤比筒蓋筒中細布也今之疊布者必成

筒一筒十端古無木棉乃細麻布黃潤者生苧也

麻布細者爲絰粗者爲苧苳卽絰也曰葛曰練曰縠縕皆其類

也○絺絺

上音抽脂切下音乞戟切一作絺俗

爲葛之細粗其實凡麻苧之物細



皆為絺粗皆為綌書曰黼黻絺繡是也絺音苧禹貢豫州貢絺高

帝紀賈人毋得衣錦繡綺縠絺紵說文縠屬細者為縠粗

者為紵紵去穎反通作穎穎綱綱苧苧禮浴用二巾上絺下綌非必葛

葛不收水如今蘇州麻布揚州余東辰州洞巾是也漢閩王繇

遺江都王荃葛注荃細布本作絳葛亦麻泉之類故亦稱絳說

文泉著也通釋曰絲曰絮泉曰縕列子曰田夫衣縕麇內則女

子執麻泉周官有典泉淮南子佻賤尚泉絲里反儀禮苴經麻之

有蕢蕢麻子也泉是雄麻麻之牡者不實小顏言紵及疏屬疏

亦作練說文新附音疎隋姚察傳門生送南布花練伯審曰吾止麻巾

薄練于吾何用桂海虞衡志練子出兩江州洞似苧有花曰花



練智見或岡洞口有布如三梭羅卽練類也。福建之苧金壇之葛有花者外國紵亦作斗文或績蕉絲爲之唐端潮貢蕉布韶貢竹布振貢班布江南貢紗編綾編蕉葛練凡績之縷爲纁朱子曰辟纁纁練麻也史記曰山西饒材竹穀纁司馬貞曰山中紵可爲布也

芮溫絮纁也○呂覽必已篇不食穀實不衣芮溫注以爲絮蓋言絮纁細爽也列子贅芮注芮細也或曰芮溫古人直借芮呼絮耳褚遂良傳芮芮興則茹茹蠕蠕音軟也可証軟絮通轉

絮幕曰牽離○釋名煮繭曰莫莫幙也貧者著衣可以幕絮也或謂之牽離煮爛牽引使離散如綿也



衣服 綵色

黪紫淺紫也。北紫今之正紫也。油紫今之藕合也。重紫今之青蓮色也。眞紫則累赤而殷者。○宋景趙彥衛曰。仁宗晚季京師染紫變其色而加重。先染作青。徐以紫艸加染。謂之油紫。後人指爲英宗紹統之識。自後以重色爲紫。與朱不相類。何謂奪。淳熙中北方染紫極鮮明。中國亦效之。目爲北紫。蓋不先青而改緋爲酈。用紫艸少。誠可奪朱。按周禮義疏以朱湛丹秫三月。朱乃熾之。卽以炊下湯淋所炊丹秫。取其汁。考工記三入爲纁。五入爲緹。七入爲緇。又爾雅一染謂之緌。再染謂之赤。三染謂之纁。士冠有朱統之文。鄭云朱則四入。是要以纁入赤汁。則爲朱。



論語紺緌者。纁入赤汁則爲朱。不入赤而入黑汁則爲紺。要以此紺入黑則爲緌色。若要以緌入黑汁則爲玄。是六入爲玄也。要以此玄入黑汁則七入爲緌矣。則知古之朱赤汁染之紫與朱實相近。今之淺紫是矣。其紫近絳謂之北紫。緌是今之醬色也。石林燕語曰。太平興國中李文正公昉舉故事。禁品官綠袍。舉子白紵。下不得衣紫。蓋宋以緋紫爲章服。故重之。故其色亦屢新也。或則天施黶紫帳。卽淺紫油紫。今之淡藕合色。重紫則近今之青蓮色。皆以月白或藍爲初染地而加以紅花成之。今又有眞紫色。則久久加大紅。其色自紫。惡其奪朱者。正謂淺紫色艷耳。







緞皆先染絲而後織者類或是耳。纏雀頭也。微黑如紺。纏淺也。故引用爲纏。與才裁通。腴支見艸類。

月白曰縹。淺黃曰緗。蒼艾曰綦。綠艾曰縹。綠曰總。緗黃白之間曰半見。白光曰勑。黃絹曰鮮。支黝黑曰皐。石輾之曰砥。○縹青白色。緗淺黃色。東漢輿服志。列侯以上得用錦。繪采十二色。賈人縹緗而已。以其色輕也。縹是今之月白色。魏明常被之。緗蒼艾色。其艸名蒺。可染留黃。或曰蒺卽藐苳艸也。韞綬與戾通。綦一作縹。艾蒼色。書曰四人綦弁。詩曰綦巾。記孔子佩象環五寸。而綦組綬。又詩其弁伊騏。當與綦通。急就有鬱金。半見緗白勑。縹緗綠純皐。紫砥。烝栗絹紺。縹紅縹。鬱金染黃也。半見言黃白。



之間。烝栗亦微黃色也。紬白紬之精光。紬紬然也。純卽素之輕細者。說文有艸草二字。草斗櫟實也。後人以草爲艸木之艸。別作皐。或从皐。黑黝也。借爲皐。隸之皐。作皐切烝栗黃色。若烝孰之栗。絹生曰縉。似縑而疏者。周禮內司服注。素紗者。今之白縛。縛卽絹字。縛又爲束名。百羽爲搏。十搏爲縛。縛爲衣裏。如今杭縐。素紗則直是紗也。一名鮮支。廣雅曰。鮮支。絹也。子虎賦注。縞。鮮支。今所謂素砥。以石輾縉。色光澤也。小顏音鮮。說文又戰切。石扞縉也。正與輾近。蓋縹卽蔥色。說文縹。淺青色。今日翠藍。柳藍。詩言蔥珩。言其色也。急就春艸雞翹。鳧翁濯。顏曰。今染家言鴨頭綠。翠毛碧。後志。雲罕編羽繫幢。民謂雞翹。非也。義山雞翹。正



用屬車編羽染色之雞翹則爲艸名亦以如雞尾翹起耳

濯絳合墨赭之色也。今日紫赭正古之淡也。○說文淡卽赤字。一作沚爲經之重文。經卽頰也。赤經棠棗之汁。孫愐收赭字。如今人稱紫糖色。正指赤棠色也。畫家以赭石和淡黑。染山石曰濯絳。又曰淺絳。郭若虛曰。設色輕拂丹青曰吳裝。

唐世染色曰退紅。○唐詩香注小薰籠。韶州新退紅。與褪同。謂淺紅也。半新半舊曰褪。說文褪卸衣也。音退。

綠沈。淡綠也。○說文青黃爲綠。今以藤黃合靛青。卽爲苦綠。周竹坡以子美綠沈槍爲臥於苔爲綠所沈。大謬。王勉夫引梁或食綠沈瓜。聞任昉卒。劉邵賊綠沈黃閒。吳曾曰。六典鼓吹工人



服綠沈。古樂府綠沈明月弦。唐太宗羽騎綠沈弓。宋元嘉廣州作綠沈屏風。石虎作綠沈色扇。王右軍筆經。人以綠沈漆筆管。見遺。其爲色明矣。趙德麟侯鯖錄引陸龜蒙詩。以綠沈爲竹。所見亦未廣也。升菴見此耳。綠沈言其色淡沈。正今之苦綠色。其以黃加玄者。曰油綠黑綠。

凡言竊言盜。皆借色。淺色。閒色也。○鳥九扈。有竊脂竊藍等色。爾雅虎竊毛。謂淺色也。扈之竊脂。言其色如靠肉也。竊藍淺藍也。入駿有盜驪。盜亦竊意。謂淺驪也。古人善巧煉字。大率如此。環濟要略曰。正色五。青赤黃白黑也。閒色五。紺紅縹紫流黃也。升菴曰。似綠者曰校蔥。暝色也。檀面色也。離草色也。



罨畫生色也。○墨客揮犀曰：罨畫，今之生色。高續古引秦韜王  
詩：花明驛路，膜脂暖。山入江亭。罨畫開。李西臺盧贊元詩：皆用  
罨畫。劉商隱愛義興罨畫溪。



通雅卷之三十八

桐山方以智密之輯著

同里姚文燮經三較訂

宮室

凡前聽事古皆曰庑後曰寢。○儀禮庑卽廟。宮前曰廟後曰寢。今王宮之前殿士大夫之廳事是也。虞箴曰民有寢廟巧言之詩曰奕奕寢廟左傳曰鼠不穴于寢庑猶後世俗言廟朝廟堂也。死則異爲宮而祭之有庑而無寢謂之祖庑稱庑通謂之宗廟。覲禮諸侯覲前朝皆受舍于朝旣享乃右肉袒于庑門之東乃入門右聽事聽古作聃後人作廳康成謂四時朝覲受之祖



庶蓋不知朝之爲庶而誤以爲宗廟也。若果受之于宗廟則天子不容負依南面矣。爾雅曰室有東西廂曰廟無東西廂有室曰寢無室曰榭廟皆有室猶今士大夫五架梁兩旁之房也。廷唐丁切堂下南除也。說文曰廷朝中也。庭宮中也。古者廷不屋諸

侯相朝雨雪衣失容則廢後世屋之加广焉實無二也。郭忠恕曰廷去聲庭平聲。智謂古初無庭字也。古者朝寢堂室通謂之宮。廷在堂下。如今朝賀皆在丹墀。後人加广耳。或者陞上之臺。如今衙堂作卷蓬乎。殿本師行。甬者殿後取意借爲宮殿。定見切

智按殿亦廷之轉聲。廷之于殿猶陳之于田。如雷電亦作雷霆。可證也。師古讀朝廷如定。田汝成笑其爲方言。豈知古實有此



音如莊子逕庭非去聲乎。屋高巖通謂之殿如霍光傳梟鳴殿前樹上古不分上下稱也。明堂亦通稱壇以稷配天故屋以文王配上帝齊有明堂乃行在所也。故孟子曰王者之堂神農天府黃帝合宮堯衢室舜總章夏世室殷重屋九室十二堂皆說者類附之。

適室正寢也。○寢古文說文从寢省从宀从艹牀也。所寢處也。儀禮適室如適子之適調正室也。周禮王六寢注路寢一小寢五京山曰陰數六也。智按莊公薨于路寢僖公薨于小寢內寢也。路大也。總言後寢之大曰路寢指其房間曰小寢或廂或別寢皆可曰小。魯直詩公虛采蘋宮行樂在小寢蓋謂別寢杜預揣



以小寢定夫人寢也。今人訃曰：終于正寢。統言其在後堂耳。陸放翁以爲誤，則又誤矣。

待漏院，卽朝房也。○唐之朝堂，在宣政門之外。儀衛志：文武列于兩觀，監察御史列于東西朝堂，輒道傳點畢，內門開，領百官入監門校尉唱籍序班于通乾觀象門南，入宣政門。六典註曰：棲鳳闕下，卽朝堂。蓋若今五鳳樓內，皇極門外之兩廡也。元和中，置待漏院于建福門外，令百官朝以避風霜。宋設待漏院于丹鳳門之右，王元之作記。

左个，左閒也。○北史李謐傳：左个卽寢之房也。升菴以爲捲蓬。智按：捲蓬在前，亦稱屠蘇。所謂軒也。个乃介字。左傳：一个行李。



古畫相近个或爲介音亦相轉如今有件字亦介个之轉也凡  
曰介者閒也介在二者閒也聲亦通

雝和周之二宮也○譙周曰成王作辟上宮周器之銘多有曰  
王在雝上宮辟雝蓋二宮名也古鼎銘又曰惟三月初吉壬寅  
王在和宮大夫始錫作彝文曰王在辟宮獻工錫章雝和也和  
宮殆雝宮之異名乎智按凡木之衡植者曰和或曰桓和其辟  
雝之旁衡一堂邪汲冢載大庭小庭卽正殿旁殿也和猶若雝  
之旁殿也河閒獻王獻雅樂對三雍宮應邵曰辟雍靈臺明堂  
由三雍宮可想二宮之稱蓋聽人稱之黃圖曰漢明堂在長安  
西南七里靈臺在西北八里辟雍在西北七里河閒對三雍卽



此東都賦言赤水朱光清池泱泱左制辟雍右大靈臺辟雍象  
璧園雍以水牛弘傳言漢明堂亦有璧水李尤明堂銘云流水  
洋洋是也袁準駁蔡邕明堂辟雍合論鍾繇傳言辟雍非大學  
甚明戴埴以魯因泮水作宮非學校也漢儒半水之說甚妄合  
溪升菴暢其說因此明三雍宮之說而維和爲二宮明矣說文  
作辟廱解曰辟牆也廱天子享宴辟廱也魯詩解云騶虞文王  
園名辟雍大王宮名也王制漢時筆也旣曰辟雍而頌曰西雍  
考古圖又有胥雍則辟雍西雍胥雍皆爲宮名無疑  
商中商庭西庭也○郊祀志作建章宮其西則商中數十里如  
淳曰商中商庭也師古曰商金也序在秋故謂西方之庭爲商



庭

內中猶唐言內。今言大內也。○漢元封二年甘泉宮內中產芝。注為中後庭之實。此解已拘。蓋猶今言大內也。爾雅其內謂之家。官家則曰大內。唐詩月明南內。夏無人。人謂或稱西內。非矣。唐三內。西內太極宮。東內大明宮。南內興慶宮。孔光傳供養行內。師古曰。行在所之內中也。按天子在宮。何言行在所。當是班行之內。或曰大行行禮次也。

乞活臺。古之吹臺。今之繁臺也。○陳留風俗傳曰。蒼頡師曠城。上有列僊吹臺。北有牧澤。中出蘭蒲。土多僞髦。衿帶俗稱蒲關。澤梁王增築以為吹臺。城隍遂滅。略存故跡。阮籍詩。鴛鴦言發魏。



都南向望吹臺。簫管有遺音。梁王安在哉。晉世喪亂乞活。憑居削墮故基。遂成二層。上基猶方四五十步。高一丈餘。世謂之乞活臺。又謂之婆臺。城梁水經此。有陰溝鴻溝之稱焉。按此臺在浚儀縣。續述征記以睢陽爲師曠城。言郭緣生踐逐門。升吹臺。酈道元非之。謂此乃梁氏之臺門。魏惠之朝居。非吹臺也。文昌襍錄曰。東京記天清繁臺。梁孝王之吹臺。後有繁氏居其側。里人呼爲繁臺。李白嘗登之。吹去聲。

睢陽虎圈臺。卽螽臺也。○司馬彪郡國志。睢陽縣廬門亭有螽臺。續述征記曰。廻道似螽。則當讀爲螺矣。酈氏非之。闕子。宋景公登虎圈之臺。援九牛之弓射之。矢踰孟霜之山。則螽臺卽虎



囿臺也。御覽引闕子。文選鮑照詩注。皆作西霜。惟藝文類聚作孟霜之山。睢陽梁孝王封國。今歸德府也。

謏門。別門也。○前侯王表。周有逃責之臺。服虔曰。周赧負責逃。

此劉德曰。洛陽宮謏臺是也。音移韻文選謏門曲榭。謂別門也。

晉載記。劉曜傳。謏門旦空。智考石林燕語。東華門直北有東向

門。與內東門相直。謂之謏門。而無榜。內香藥庫在謏門外。伯厚

曰。謏門始標額于熙寧。謏卽謏。公紹引陸雲與兄書云。曹公所

爲屋。折其謏堂。不可壞。直以斧斫之。方子謙又引陸雲集云。曹

公有謏塘。劉孝綽詩。反景熒謏塘。智謂塘何用斧折。必刻誤。而

子謙誤引也。說文謏。離別也。籀閣邊小屋也。徐鉉引爾雅。樓邊



小屋解謠臺。集韻移通作謠。則謠卽爾雅之移乎。如此止當讀移。而音侈音多。則古多有迤池二音也。多見其不知量。古作𡗗。與祇禊通。迤窰从多。可推也。又按爾雅屋上薄。謂之筵。連筵謂移。韻會字彙何以不詳引爾雅。而且遺失筵字。

夏屋。屋兩下也。屋翼一名搏風。一名兩徘徊。○鄭注擅弓曰。夏屋。今之門廡也。兩下爲之。四阿。今之四注屋。殷人始爲四注屋。卽重屋復窄也。疏曰。復窄重承壁材。智以爲雙簷也。夏后之屋。南北兩下而已。周制天子諸侯得爲殿屋四注。卿以下兩下。則南北有霤。而東西有榮。是以燕禮言東霤。而大夫士禮則言東榮也。若詩之夏屋渠渠。則指房俎矣。其下處謂之霤。在傍謂之



榮。演繁露曰。榮翼也。今謂之兩徘徊。四注。則曰東西霑。今謂之金廂道。士冠篇。賈公彥疏。榮屋翼也。卽今之搏風也。伯厚作搏風。凡夫曰軒。曲輶藩車。借爲堂垂檐下。別起敞房。曰薄水。陸游作撲水。李翊作泊暑。

庭燎。庭陞設火也。○石勒作大庭燎兩層。下層可置二十人。曾以油傾燒死。今皇極殿前。置六庭燎于陛階之間。如小亭。上覆琉璃瓦。徻如窻櫺。表以紙。內建大燭。管衛之士。自午門外。別用蘆薄麻稽。作三茭架。以一炬然之。詩注燎去聲。廣韻通平去。

罍。罍。網綴交疏也。○明堂位。魯大席之飾。山節藻梲。復席重簷。刮楹塗墍。反坫出尊。崇坫康圭。康音抗。疏屏。注。屏謂之植。今浮



思也。刻之爲雲氣蟲獸。如今闕上正義疏刻也。漢時謂屏爲浮思。天子外屏。匠人注云。城隅謂角浮思也。漢時東闕浮思災。浮思小樓也。文紀七季。未央宮東闕罽思災。注罽思謂連闕曲閣。渭陵延陵園門亦有罽思。加網狀其雕刻。櫺宮闕屏門皆有之。卽楚辭所稱網戶朱綴刻方連也。蘇鶚曰。師古釋名。釋罽思皆誤。按謂織絲。唐文宗實錄。甘露之變。出殿北門。裂斷罽思而去。溫庭筠補陳武帝書。罽思畫卷。閭闔長開。皆非曲閣屏障之意。程大昌兩存之。智按。宮闕上拱斗雕櫺。用銅絲帖金網之下。用黃絲作網。垂于楹檻。上下皆可謂之罽思。刻版網綴。總象罽思。元稹詩。網索西臨太液池。注網索在大液池上。學士候對於



此蓋隨駕張設耳。元美並未細閱古人以網解罟罟之意。將但  
以爲罟墻乎。夫古號疏屏。則屏樹之間亦必絜拱雕刻網綴。故  
呼罟罟。漢災實指此類。至唐宋則真有網索。寧責其不用邪。升  
菴言籀文作罟。庸釋名作罟。思其曰罟。思則舊注訓也。

屋極謂之桼板。○屋極屋棟也。子雲賦日月纏經于桼板。

音央

服虔曰桼中央也。板屋栁也。韋昭曰宸屋雷也。天子之居曰楓  
宸。今言宸極宸屋上棟隆之所居也。舊說帝居惟楓修大可構。  
故曰楓宸。此義亦牽強。楓木豈可作柱。此語不見經。文人以楓  
丹。因丹宸。丹宸遂用楓宸耳。

趨樓闕兩觀也。○元志闕南曰崇天。北曰後載。東曰東華。西曰



西華崇天兩觀皆三趨樓琉璃瓦飾簷脊直有大明門在崇天門內今北東西三宮俱因元舊不改脊直謂太金寶瓶也

植太表坊曰桓門○柱之植太曰桓

戶官切

雙桓曰桓門漢尹賞

傳時紅陽長仲輕俠浩商殺義渠長少季撰丸爲彈分赤黑白賞選三輔高第爲長安令作虎穴捕少季惡子內之出瘞寺門桓東舊亭大版貫柱四出各曰桓表縣所治夾兩邊各一今猶謂之和表師古曰卽華表揭著姓名有桓東少季塲之歌曰安所求子死桓東少季塲桓門之東戮人處也桓門亦謂和門亦謂華表桓譚新論晉中經簿作華譚桓和華一聲也古通而今分周禮曰以旌爲左右和之門唐禮講武建旗爲和門謝惠連



祭古塚序曰兩頭無和俗云懷頭版和訛爲懷也諸侯塋植桓楹穿中爲鹿盧以縣率下棺天子塋斲石爲碑以爲鹿盧記曰公室視豐碑三家視桓楹後人效之因刻碑以志墓曰桓碑桓圭則以其博直如桓也別作璫篆作𡩇从回不从互

佺歷之機卽門內之畿也○毛傳曰畿門內也讀詩記曰韓愈詩白石爲門畿以畿爲闕呂覽曰出則以車入則以輦務以自佚命曰佺歷之機高誘曰佺丑吏反至也歷機門內之佺馮嗣宗曰畿機同姑因此以存漢說其實詳呂本意與下文爛腸之食伐性之斧句類則何必如此拙解

兩旁貼方曰棧門中可櫺闌者曰闌○闌古臬字鄭玄曰闌古



文作𦵏。𦵏，熱省聲。說文曰：𦵏，从自，从木，射準的也。李陽冰曰：𦵏，省

聲。爾雅：𦵏，𦵏。

宅𦵏切

謂之𦵏。

先結切

𦵏，謂之闌。

魚列切

又檝。

音特

謂之𦵏。在

牆曰𦵏。在地曰𦵏。此等甚混。以經傳考之，𦵏，植木于地也。故亦

謂𦵏。亦曰𦵏。考工曰：置𦵏以縣。可見謂𦵏爲𦵏。爲𦵏則可。謂闌

爲𦵏則不可。夫禮所謂𦵏者，門兩旁長木。今謂貼方。陸德明曰：

兩旁木𦵏是也。禮所謂𦵏者，門中關木。今所謂𦵏。古詩謂𦵏。𦵏

俗謂之直𦵏。其橫者呼爲𦵏。小者謂𦵏。其門大則須直𦵏。木作

𦵏也。闌門雖不設闌而闌之，𦵏存。君出入中門則當闌也。介拂

𦵏，以佐君也。大夫中𦵏與闌之間則加遠也。士介拂𦵏則逾遠

矣。冠禮：筮日，席西闌，西闌外。闌之不可謂闌，明矣。闌卽闌門限



也。又作𣕿。說文曰：𣕿，門櫪也。此由不知櫪爲直大之義耳。古者門通車，故中必去限，故爲短限。餘則有連限者，禮行不履闕，謂當跨過之也。說文：櫪，櫪也。櫪，精廉切。徐鉉曰：卽尖字。戴氏非之。云：櫪，古砧字。夫安知古不二音乎？

門限，曰切。一曰門櫪。○漢趙后傳：切皆銅沓冒，黃金塗，謂門限也。闕之上稜爲切。說文：限，一曰門櫪。先結切。智永作鐵門限。結艸木爲小廬，曰菴廬。○直翁曰：園屋，集韻或作庵，通作菴。古無庵字。鄭玄釋諒闇曰：讀如鵠鵠之鵠，猶廬也。菴是菴閭耳。後漢皇甫規身入菴廬巡視，三軍感悅。漢胡建傳注：區者，小室之名。若爲菴屋之類。北周武帝攻北齊，設柏菴，其遺也。升菴，引蜀



都菴藹王克菴止。至晉有菴慢菴閭之語。獨不言皇甫之菴廬邪。又欲用古篆之菴。石鼓文之窰。元人止菴印章之盒。有漢之菴字不用而及此。支矣。

冬突。窰竇。複室也。○招魂曰。冬有突。夏夏室寒些。注謂複室也。史記上林賦。巖突洞房。漢書作巖突。師古曰。如竈突也。何費力邪。林鍼引作子虛非矣。說文窰竇。窰深也。音杏。廣韻爾雅室東南隅謂之窰。俗作突。而黃公紹韻會嘯韻載突字。引莊子鶉生于突。九辨冬有突。智按是不知突。夏爲窰厦。而又以招魂爲九辨也。徐無鬼鶉生于突。齊物論突者咬者。山近也。

倉琅根。椒圖鋪首也。○嬾真子曰。杜牧之花萼樓詩云。千秋佳



節名空在。承露絲囊世已無。唯有紫苔偏稱意。季季應得上金鋪。金鋪出甘泉。賦云。排玉戶而颺金鋪。注云。金鋪門首也。智按。門之鋪首。所以啣環者。鋪平聲。哀帝元壽中。孝元廣殿門。龜蛇金鋪。鳴童謠曰。木門倉琅根。注。倉琅根。宮門銅鍰也。鍰讀與環同。椒圖。龍之一子。似螺。師其閉戶。故大椒圖于門。漢注音鋪。去聲。一曰螺首。

夾門堂曰塾。因爲家衙。爲謁舍。○三輔黃圖曰。未央宮外有塾。門外舍也。臣來朝君。至門外當就舍。更熟思所應對之事。古今注亦云。塾之言熟也。孫炎曰。夾門堂。周禮考工匠人。門堂三之一。注以爲塾。食貨志。春將出民。里胥平旦坐于右塾。鄰長坐于



左塾師古曰門側之堂曰塾又禮記家有塾注古者仕已老歸教于里閭朝夕坐門側之臺謂之塾集韻或作闕闕贅矣王莽傳有里區謁舍升菴以不宿客爲里區宿客之舍曰謁舍智按謁舍猶今客坐也衙門有候謁廳里區總言里中區也管子有士舍注士謂里尉每里置舍使尉居焉

重櫨猶重櫨言其密互也○張敞傳得之殿屋重櫨中蘇林曰重棼也音老師古曰今之廊舍一邊虛爲兩夏者按櫨爲車蓋弓此當是櫨說文曰櫨椽也楚辭蘭櫨孫恂曰櫨簷棼亦椽棼也吳志太史慈傳射賊貫賊手著棼時賊攀樓也棼櫨之間何以藏人乎褚少孫載曼倩識騶牙之事言得之重櫨中重櫨欄



楯之下重欄也。櫟音歷，與輓讀了相轉耳。或曰櫟音藥，引子美藥欄非。

光門卽橫門。長安北出西頭第一門也。○三輔黃圖：棘門在橫門外。水經注引西三門曰雍門，又曰函里門，又曰光門，又曰突門。王莽改橫門爲霸都門，左幽亭。如淳曰：橫音光，則兩存橫光二門乎。蓋古庚韻通干陽韻，橫讀曰黃，訛爲光耳。吳人至今呼橫爲黃。

蒿宮，猶言茅茨土階也。○蒿柱，或曰蒿宮，言茅茨意耳，必如大戴禮言周時德澤和洽，蒿茂大，以爲宮柱，名曰蒿宮，此則奇矣。然宋人小說言粵中有大蒿，甘艸筴梗皆可作柱。



屈柱跌瓦柱頭之斗拱瓦簷相交承者也。○水經注文昌殿文石爲基一基下五百或屈柱跌瓦悉鑄銅爲之箋云屈當爲屋智按是拱斗月牙之短柱也其文與跌瓦相對跌瓦謂如足跌相躡卽如夾簷瓦也洹水逕鄴建春門外有石梁矩螭趺勒甚佳亦言其相承躡之形也。

樸角猶白屋也。○淮南子曰堯樸角不斲素題不斲董道跋韓退之徐偃王碑徐放所書其曰故制樸角昔人嘗改集中爲桷字愈蓋用淮南語也桷榱也。

覆海藻井也。一曰闕八。一曰愚項。○存中曰屋上覆椽古人謂之綺井又謂之覆海今令文文中謂之闕八吳人謂之愚項唯



宮室祠觀爲之智。按藻井乃今之拱斗。一曰升斗。若覆椽則古之勞椽屋椽也。薄版曰望版。或用望輒存中蓋謂重出之飛簷耳。升菴以爲天花版。蓋闕八謂承仰版之拱斗也。其形似之元有盤頂殿。盤頂之制三椽其頂若筍之平。今所謂蕤窩制也。常居上有承塵。今曰仰塵。劉龔昭陽殿以金爲仰陽。銀爲地面。士夫闕閱之門亦謂之闕。○唐宋敬則以孝義世被旌顯一門六闕相望。又楊炎祖哲父播三世以孝行聞。門樹六闕。闕言額也。又尹仁恕曾祖養祖怍父慕先一門四闕。史功臣表明其等曰伐。積曰曰閱。漢書齋伐閱上募府。後因作闕閱。元之品制有爵者爲烏頭闕閱。冊府元龜言闕閱二柱相去一丈。柱端安瓦



筒號爲鳥頭染卽謂之闕柱端之筒謂之搭頭又曰護朽陸文  
量菽園雜記引博物志蚘螭似龍而小好大險故大于護朽土  
所謂露柱也

竈額竈突也都竈大竈也○陳晦伯引莊子仲尼作春秋老聃  
踞竈觚而聽之問何書曰春秋也困學紀聞曰竈觚竈額也何

孟春記宋人曾以竈觚爲窆與智謂觚猶隅也韻會曰鄭成公  
掘突突竈囟也荅賓戲曰墨突不黔桓譚新論稱淳于髡言曲

突徙薪人爲徐福上書亦用曲突謂烟時突出也說文突徒骨切

犬从宀暫出也突深也深今作深一曰竈突从宀从火从求省

式鍼切凡夫曰突深溷用突或是从灰會意智按六書故作囟引



商頌窠入其阻。說文作罌。毛氏曰：深也。疑卽窠字。作罌無義。俗  
謂深黑爲窰窠。凡夫急詆戴氏。忽從戴。奇矣。又改從灰。吳敬甫  
作突。从穴。火。音屢。謂突乃屋深。而借爲深遠。深乃桂陽水名耳。智  
謂水名深。正以其深也。借水借屋。何異乎。竈門亦可稱竈突矣。  
五行志：元鳳元年。燕王宮豕出。困。壞都竈。師古曰：困豕牢也。都  
竈。蒸炊之大竈也。金史：胡刺卽竈突也。突亦未必从犬。从犬許  
之臆也。

石承礧礎也。○尚書大傳曰：庶人有石承。當柱下而已。不外出。  
以爲飾。此今之石額也。柯古言：羅公遠隱形于石礧中。是唐人  
謂礧爲礧。



甃械今之甃地也。○伯厚引堂涂注曰：漢時明堂涂爲令甃械。

音零

令甃則今之塼也。械則壞道也。智按鄭注考工記堵前若

壁階

今辟械分其督傍之修以二分爲之峻。中央爲督欲去水故中

峻而邊迤也。漢尹賞傳以令辟爲郭。爾雅瓴甌謂之甃。說文曰

瓴甃也。塹瓴適也。郭氏曰：卽今甕甌也。庖累以甕甌爲障。按瓴

甃卽今甃瓴。本仰瓦之溝也。所謂建瓴也。塼壞曰塹。壘砌曰甃。

甃地中平。四邊必通甃。則亦溝意也。今街道及庭院多以磚

側累之。園亭有累瓦成水紋者。取其瀉水有似于瓴中飽邊庫。

匠呼曰鱗魚背。此之謂瓴甃。械。械陔階皆通用。

央瀆。匱豬陰溝也。漏井。滲坑也。○匱。音隱。曲也。傳曰：規匱豬。周



禮曰爲其井匱。鄭氏曰匱豬雷下地。今陽溝升菴曰漏井。今滲坑匱豬。今陰溝。御覽引莊子逸篇羊溝之雞稱。按荀子有央溝。魯靈光賦言澧騰涌于陰溝。今以埽埽下溝曰陰。明作溝者曰陽。地官注謂御溝植楊曰楊溝。中華古今注曰羊喜觸藩爲溝。隔之曰羊溝。此皆強說也。荀子入其央瀆。注中瀆也。卽人家水溝。央羊楊皆陽之借聲。

屋頭園頭也。○湘素襍記曰李濟翁云如廁爲屋頭。一說北齊文宣帝怒魏郡丞崔欽鑽以園汁沃頭。因謂之園頭。庚桑篇觀室者周于寢廟。又適其偃焉。注偃謂屏廁也。屏廁則以偃洩。此但小洩于偃處耳。



凡兩夾之間曰廁。溷廁其一名也。○成帝據廁見衛青時已爲大將軍亦不應如此。凡言廁者皆爲其在兩物之間。漢文居霸北臨廁使慎夫人鼓瑟。韋昭曰高岸夾水爲廁。水經曰今白鹿原夾二水矣。霸水自北原來合澹也。智按金日磾奏廁心動乃遇莽何羅蓋宮殿中之夾合處。師古曰奏向也。智謂奏卽湊字。又與趣通以淮南指趣卽指奏也。若晉景公之張如廁陷管寧遇海風念嘗如廁不冠。劉季和如廁過香爐劉實如石崇廁反走王敦食棗郭璞設醢銜刀則真溷矣。

堊堊圻塤也。○山海經陸渚

音晚

之山其下多堊大次之山其陽

多堊今本艸則載白塹以嫌白惡字改爲塹不知乃白堊周禮



桃則黝堊之匠人白盛。蜃灰也。楊雄傳。獲人注古之善塗堊者。堊今之仰泥也。智按俗作雪洞。承塵多用仰塗之法。說文引朽。椶或从土。唐號國召工巧。取螻蟻蜥蜴記數。言其上下四周密緻也。伯溫因周惡夫印。并謂惡堊亞爲一本。本作亞。

噴室卽衢室之遺也。漢有交午。亦謫木也。○管子對桓公黃帝。大明臺之議。堯有衢室之問。舜有告善之旌。禹大建鼓之朝。湯有總街之庭。以觀人誹。成王有靈臺之復。公曰。吾欲效之。名曰噴室。以東郭牙爲之。卽謫木建鼓之意也。崔豹古今注。荅程雅問。堯謫木曰華表。木形似桔槔。大路交衢悉施焉。秦除之。漢復興。今西京謂之交午木。注服虔曰。堯作橋梁。交午柱頭。交午作



工以子午爲直。或曰交衢之柱。下有撐木者是也。今諫鼓猶存。唐垂拱置四銅匭。塗以方色。列朝堂。以給事爲理匭使。宋雍熙元年。改匭院爲登聞院。至道改爲登聞檢院。天聖七年。置匭函。又置檢理使。以中丞爲之。建炎從李綱言。詔隸諫院。今時登聞鼓。日以一科員直之。漢有皐囊書版。亦士傳言之意也。凡章表皆啓封。言密事得皐囊。光祐元年。詔蔡邕陳政要。以皐囊封上。禮儀志。冬夏至。八能士書版言事。封以皐囊。送西陛。跪授尚書。晉元會。設白獸樽。獻直言。發此樽飲酒。乃杜舉之遺式也。唐顯慶。置嘉石。垂拱時。許撾鼓大石者。御史受狀爲奏。長安故宮闕前。有唐肺石。尚在。長八九尺。形如垂肺。肺主聲。聲所以達其冤。



也。四色匭是或后置。代宗詔不許匭使閱投匭人文狀。開元十九年。正字于休烈奉表投丹匭。招諫匭也。杜甫進三賊投青匭。延恩匭也。高郢建造寺投丹匭。李渤孟簡俱曾以知匭事稱。渤言事大者以聞。次白宰相下。以移有司。有司不當許再納匭。詔可。此有體之言也。

唐有甲庫藏奏鈔之地也。○麗元英文昌雜錄曰。如令甲令丙。程大昌曰。唐中書門下吏部各有甲曆。凡三庫以若干人爲一甲。在選部則名團甲。太和九年勅六品以下自稱舊官皆下甲庫檢勘有無。正元四年吏部奏三庫勅甲。又經失墜乃至制勅旨甲皆被改毀。宋時有勅甲旨甲之稱。猶今言底言案也。遼史



有架閣庫管勾。元有左右部架閣庫。卽唐之甲庫也。宋人諱貞元爲正元。

街彈在鄉之旗亭也。過所猶今之遞鋪也。○里宰以歲時合耦于鋤。注鋤者里宰治處也。若今街彈之室在街置室檢彈一里之民于此合耦使相助佐。金石錄漢都鄉正街彈碑在汝州界故昆陽城中。歲月略可觀。蓋中平二年正月而其額題都鄉正街彈碑。莫知其爲何碑也。水經魯陽縣有南陽都鄉正街彈碑。平氏縣有南陽都鄉正街彈勸碑。隸釋亦以爲街彈碑。蓋未考此注也。酸棗令劉然碑云愍念烝民勞苦不均爲作正彈造設門要司關以節傳出之。注傳如今移過所文書智以過所今驛



通小通卽舖兵舖通也因以過所文書亦名過所司布市以次序分地注次謂吏所治舍思次介次也若今市亭然張平子西京賦廓開九市通闕帶闐旗亭五重俯察百隧周制大胥今也惟尉注漢宮闕疏曰長安大九市其六市在道西三市在道東史記褚先生曰臣爲郎與方士會旗亭下介次市亭之屬別小者也遺人十里有廬三十里有宿注廬若今野次徒有房也宿可止宿若今亭有室矣疏漢時野路候迎賓客之處皆有房舍與廬相似漢法十里有亭有三老人皆有宮室故引以爲况也今所謂亭則獨大柱空敞而已國語曷有寓望注境上有寄寓之舍候望之人



通志  
卷之三  
二  
隄梁浮橋也。○秦始皇作浮橋。見春秋後傳。史記秦昭襄五十  
季初作河橋。元和志河陽浮橋。駕黃河爲之。列船亘篝。通典曰。  
孟津亦曰富平津。杜元凱造浮橋。東晉有朱雀浮桁。與丹陽竹  
格。驃騎爲四航。孝武寧康元年。除四桁稅。唐六典造舟之梁四。  
河三洛一。河則蒲津。太陽明津。洛則孝義也。段國沙州記吐谷  
渾于河上作橋曰河厲。

組橋縣度也。○釋法顯曰。葱嶺入北天竺路。臨新頭河。度七百  
渡梯。躡縣組過河。漢之張騫甘英皆不能至也。酈道元曰。酈賓  
之境。組橋相引。郭義泰曰。烏秣之西。有縣渡之國。引繩而渡。高  
仙芝恐士卒憚險。令人詐爲阿弩越。城守者迎降云。阿弩越。赤



心歸唐沙夷水藤橋已斫斷矣。卽弱水通吐蕃之路也。藤橋其所謂縣度者乎。今貴州通雲南過盤江橋。江急兩岸以鐵繩架橋。峨嵋山山西有鐵索橋。子美詩。卻背五繩橋。伽藍記言鉢盧勒國向烏場。鐵瑣爲橋。縣虛爲度。烏蒙有索橋。升菴言繩上施木筒以解西域度索尋橦之語。

行馬。檣柱也。宋謂之杙。○宮府門設之。古賜第亦門施行馬。今曰櫨。眾宮闕用朱。官寺用黑。宋以來謂之杙。東京夢華錄官司於御廊安大黑漆杙。路心安朱漆杙是也。六韜所謂扶胥卽行馬也。其行軍施于營之四周者謂之拒馬槍。

牢籍。牢筴也。○莊逢生篇祝宗人玄端以臨牢筴說。羸牢豕室。



筴木欄與柵通。列子仲尼篇：長幼群聚而爲牢籍。注：卽牢柵。今人皆呼木欄爲木柵。則莊子之筴竟當讀柵。其音近色。

井幹言闌干縱橫也。或謂之銀牀。○說文：韓，井垣也。从韋，取其帀也。軌聲。隸省作韓。今作幹。或作幹。文選：謝元暉詩：注銅雀臺。一名井幹樓。漢書：成帝太井幹樓，高五十丈。音韓。師古曰：積木高于樓，若井幹之形也。井幹，井上木欄也。亦作韓。其形四角，或八角。又謂之銀牀。皆井欄也。楊子重黎篇：或問茅焦歷井幹之死。司馬注曰：謂始皇殺諫者二十七人，積之如井幹。支矣。京山解井卦：言曾見古井，以木交午，疊起成井，曰井幹。

團焦，團標也。○北齊書：神武徙并州，抵邑人龐氏團焦中。團標



也。焦弱侯曰：標音瓢。今人曰團瓢，謂爲一瓢之地也。  
方中，斥上也。○張湯傳：治方中，注陵上土作方也。或言斥上，其  
曰溫明題湊者，東園溫明，形如漆甬，開一方畫之，以鏡置中，縣  
屍上，題湊者，梓宮便房黃腸題湊，以栢木黃心，頭皆向內，題頭  
也。

下里蒿里也。○田延平傳：積貯諸下里物。孟康曰：死者歸蒿里，  
葬地下，故曰下里。其曰下里巴人之歌，卽蒿里薤露之類也。古  
人好挽歌以爲適，顏延之挽歌：酒市桓伊，舍歌挽歌。袁山松道  
上行殯，亦謂好此聲也。王商歌薤露，周舉病之，薤卽薤，薤露蒿  
里，皆下里挽歌。蒿里，說文作薨里，薤當作薤。



羨道今謂之發圈券堂墓前明堂也俗爲券臺○史記其伯入  
釐侯羨沉自殺羨音延始皇紀畢已藏閉中羨下外門盡閉仙  
人有羨門子其居於羨道者乎發圈去聲謂如橋街也程大昌言  
鐵券形如半破木甌有四孔穿綃其文于面鐫陷金其所謂向  
山買地之券乎堪輿有券臺之說清異錄亦言蔡家用朱書鐵  
券贅方石二尺曰券臺貧者謂之士筵席智按何子元云墓前  
明堂亦名券堂朱子言初不曉後見唐詔改名卽研北雜志所  
言也

碑額之圓空所以棚也○古碑文額多有圓孔金龕琳琅疑之  
禮記豐碑桓楹注甚詳蓋豎石鑿竅貫木縣棚後乃書題死者



之功績于石。智按今用繩布甚便。而園孔者多是漢碑。豈漢猶存此禮乎。今以獨題名諡曰表。詳誌生卒如銘誌曰碣。兼題哀辭曰誄。碑有名石闕者。夷白齋詩話引古樂府石闕生口中。含悲不得語。亦作石闕。歸田錄言闕口。庶呼豁口大王。故知闕闕通聲。蓋石闕卽石郭。石郭亦碑石也。古人通借如此。

野狐落卽宮人斜。○春明退朝錄云。唐內人墓謂宮人斜。無功曰。唐以前已有之。隋煬帝墓宮人有玉鈎斜。在江都治西。智按青藤路史云。唐宮人墓處名野狐落。蓋地之偏斜者皆呼斜。如褒谷斜谷以斜名。樂府有狹斜。宮人墓處其地亦名斜。故因謂之。



通雅  
負下卽霸下○文選曰負下未易居蓋龍之一子爲負屭好負重故處碑下轉其聲爲呬噉遂曰霸下又曰負下郝氏曰負與背聲相借猶垠之音霸也或曰負貝之訛

蚩尾或作鴟尾祠尾鴟吻○蘇鶚曰蚩海獸也漢成作柏梁有上疏曰蚩尾水精能辟火災顏子推曰東宮舊事呼鴟尾爲祠尾又呼爲鴟吻黃朝英按倦游雜錄言漢以宮殿多災術者言天上有魚尾星宜爲象冠屋以禳之陳書三公黃閣聽事置鴟尾蕭摩訶以功寢室并置鴟尾北史宇文愷傳云自晉以前未有鴟尾江南野錄用鴟吻此直一聲之轉必欲改蚩字又牽與蚩尤辨水陸獸則曲矣大業雜記乾陽殿鴟尾高百七十丈石



林蕤語以設吻者爲殿

巖廊峻廊也。○董仲舒傳舜遊巖廊。李義訓曰屋垂曰宇宇下曰廡步檐曰廊峻廊謂之巖。後漢人嘗用之。羽林郎一名巖郎。後志注曰言從遊獵宿巖下室中。自程大昌合引一處而博學家竟以巖郎卽巖廊此因宣示帖廟廊省广作郎而誤也。

承霑謂之笕。○程大昌曰說文霑屋水流也堂中有天井處智按說文屋水流也並無下語天井乃院中露處解霑反支老學

菴筆記曰臨江蕭氏五代時祖仕湖南亡命匿人家霑槽中江

湖謂霑爲笕。世世祠笕頭神。戴氏笕一作覘。古典切古作建建瓴

是也。檀弓疏承霑以木爲之宮中以銅用行水俗呼閣漏方言



之甃卽雷儀禮東雷門內雷月令祀中雷注古禋穴開上取明  
溜雨因名室之中庭爲中雷左傳士季三進及雷杜佑省引穴  
居爲說迂矣說文別之爲廡智按大堂接軒中有水簷卽中雷  
也

巴飛施卽芭犁也或作芭籬亦呼搶籬卽古之儲胥柴籬也○

長楊賦儲胥注以爲竹搶纍愚按纍與籬音近相通通俗文曰

柴垣曰施木垣曰栖南土悉押竹篾爲之斜織者曰巴飛施廣

韵押籬壁也史張儀傳注芭犁卽織木葺爲葦籬今江南曰芭

籬籬又作攤攤竹亦名芭謂可作芭籬也博雅櫛落亦謂籬也

說文柴籬徐鉉曰櫛豎散木爲區落今世皆作巴唐薛用弱集



異記劉方玄宿巴陵館廳其西有巴籬因籬落用聚落屯落比落附落屯落見管寧傳比落見後漢書姜詩傳仇覽傳廬落注今人謂院爲落前王子侯表江陽侯仁坐役使附落免師古曰有眾落來附者輒役使之非法制也

後之用儲胥者猶言御苑也○楊雄長楊賦云木雍槍纍以爲儲胥呂延濟云槍纍作木槍相纍爲柵也蘇林注曰木雍柵其外又以竹槍纍爲外儲也顏師古曰儲峙也胥須也以木擁槍及纍繩連結以爲儲胥張衡西京賦云旣新作于迎風加露寒與儲胥注云成帝先作迎風館後加露寒儲胥二館沈約應教詩云南瞻儲胥觀北望昆明池李義山詩云風雲長爲護儲胥



宋子京傷孟昭圖云。密疏叩儲胥。又思歸老云。至今三藉在儲胥。又荅朱彭州云。九菴官樹老儲胥。又讀春詞云。蒼龍驅暖入儲胥。

麗譙。譙樓也。原父之解不必矣。○陳勝傳戰譙門中。注師古引巢車。謂城樓。爲譙樓。郤掃編曰。劉原父以爲陳北門通譙郡。故曰譙門。智按莊子有麗譙。注譙樓也。趙克國木譙。注譙樓也。則當時實有此語。不必強爲別訓。升菴引譙樓爲呵譙。晦伯譏之。是也。

僧婆率堵波者。鴈塔也。○段成式曰。慈恩寺鴈塔題名。自張蒼始。柳氏序訓言。韋肇始。董道跋石氏所得陳昭題名。曰蒼登科。



在天寶陳昭所書在開元九年考封氏記自神龍以然矣柳在  
中和季則廢而復興也馬懶真子曰宋宣和初柳城集刻之石  
不載鴈塔本末蓋玄奘貞觀三年取經至十九年正月還居洪  
福寺翻譯四歲于晉昌里建大慈恩寺永徽二年師造輒浮屠  
以藏梵本言王舍城有僧婆率堵波唐言鴈塔也昔此地伽藍  
食鴈犢鹿三淨食有鴈飛墮應供者僧感泣建塔埋之故云太  
宗製聖教序皇太子又製還聖記弘福寺懷仁集右軍字勒二  
文于碑及鴈塔成褚遂良乃書二帝序記安碑塔上遂爲遊人  
地智又按外國志于闐死者火化其塋一塔云佛見鴈死以沙  
塋之稱爲鴈塔則又一說也中國亦有以訛傳訛之事況外國



乎。梵言浮圖，聚相也。或稱浮圖沙門，或稱桑門。有云：輒塔始此。蓋自北魏矣。孫愐收塔于合韻。徐氏新附說文，許慎止有荅，小未也。凡夫曰：借爲應聲。智按：詩有聽言則荅，爾雅：俞，俞然也。都俞然否，皆應詞。俞，卽答也。今遂製塿。

曰十六角，曰七級，皆塔也。○歐陽跋永樂十六角題名，曰十六角者，庸俗所造佛塔，其後又書云：進十六角鎮國大浮圖。而後魏時，又有常山義七級碑。

精廬猶精舍也。○廣川跋御史臺精舍記：唐崔湜撰。湜謂佛之所舍，摩騰至洛，建精舍爲始，誤也。包咸東海大精舍教授，此在西漢末。魏武嘗曰：譙東五十里築精舍。徐庶折節學問精舍。阮



孝緒以鹿車爲精舍。徐伯珍立精舍。蒙山陳實立精舍。講授戴顓。立黃鵠山竹林精舍。張漢直弟出精舍遇之。古人于其居也。以是名之。蓋精舍言精一齋心也。智謂凡屋之傍齋。卽曰精舍。言潔也。姜肱傳。其盜謝肱于精廬。亦是其讀書處。今指蘭若反坫與臺門回阿相連。凡壘土甃成臺。可閣物者。皆謂之坫。說文以坫爲屏。誤也。○朱子云。程泰之小論可取。因看筆談云。有人誤以屏爲反坫。後見說文。坫屏也。因問泰之曰。存中辯是。然不是。某人誤。乃說文誤耳。按筆談引黃東發以明堂位。反坫出尊。崇坫康圭。士虞禮。僎于西坫上。則累土而爲之。皆可名坫。疑鄭注坫在兩楹。反爵其上爲非。智怪存中不引爾雅。埳謂之坫。



注堂角也。亦累土爲之存中。又引汲冢書曰。回阿反玷。注曰。外向室也。據反玷與回阿相連。禮記反玷與臺門相連。論語反玷與樹塞門相連。智按此均謂宮室崇飾之制。今人堂內堂外或楹階作小楯。下甃庫壁。上平以版。或亭阿之內。依隅砌臺皆有之。臺門之間。可以作玷。回阿可以作玷。兩楹亦可作玷。長箋曰。今開肆陳物。通謂之玷。俗改爲店。此是其源流也。

念室。動止稽留。皆拘繫之稱。因指園土。若因諸尉氏。居室若廬。其工發于東冶。皆因官因地而有獄有繫。非定以此皆豸戶之名也。○廣雅曰。夏曰夏臺。殷曰羑里。周曰囹圄。博物志曰。夏曰念室。殷曰動止。周曰稽留。韓詩傳曰。朝廷曰獄。鄉亭之繫曰犴。



通作岸。或曰圜扉。今畫狴犴。其遺象。犴言守也。鄭玄曰。獄者圜也。尉氏因古獄官而名縣也。公羊傳南里者何。因諸也。注因諸。齊獄名。漢書頌繫。或在請室。或繫居室。有若盧獄。有其工獄。黃門北寺則今所云詔獄也。千乘貞王傳。注前書音義曰。北寺獄。卽若盧獄也。崔瑗傳。東郡發于獄。晉宋東冶亦有獄。西溪業語引淮南云。或王破紂。殺之于宣室。許叔重云。宣室獄也。未央有宣室。溫室。宣音暄。見集韻。按說文宣。天子宣室也。須緣切。無獄名之說。姚寬誤矣。說文獄。司空也。息茲切。郎瑛載司空爲獄名。司空官名。獄乃司空之獄也。賈誼傳。大臣造請室而請罪。史記袁晁傳。作清室。應邵曰。若今鍾下。



宋有京瓦。通謂勾欄。其始名則猶闌干也。○東京夢筆錄有桑家瓦。中瓦。或曰京瓦。南宋市肆記有瓦子勾欄。自南瓦至龍山瓦。凡二十三瓦。又謂之邀棚。遼志瓦里。官府名。宮帳部皆設之。想五代時有此稱。而宋因之也。升菴引段國沙州記。言吐谷渾作橋。勾欄甚嚴。王建宮詞。四面勾欄在水中。李義山簾輕幕重。金勾欄。李長吉聽姑吊月鈎闌下。古今注。漢成帝顧成厖。玉鼎金鑪。槐樹悉爲扶老拘欄。畫飛雲龍角虛于其上。至宋以後。名教坊曰勾欄。

東箱卽東廂。○漢書楊敞傳。夫人東箱參語。周昌傳。呂后側耳東箱聽。師古曰。正寢東西室曰箱。似箱篋之形。此解迂甚。古廂



箱通用。儀禮公食大夫禮公揖退於箱。卽廂。爾雅室有東西廂。曰廂。說文廂。相聲。凡在旁謂之相。金玉其相是也。亦謂之襄。七襄曰襄。服襄是也。如曰屋似箱。箱似何而名乎。

室之光處謂之白。○祭法注。當室之白。謂之陽厭。謂何陽光明處也。莊子虛室生白。亦謂生光。

屋蒙謂之簷。簷一作甍。一曰屋穩。門上衡架者曰檐。木柯曰桷。故以名椽。亦謂之榱。亦謂芬椽。椽端沿檐。謂之榜。栳亦謂之櫬。亦謂之椳。或曰雀栳曰連綿。○說文簷。屋棟也。栳。櫨也。所訓皆不確。智按釋名。屋脊曰豐。豐。蒙也。在上覆蒙屋也。蒙屋最切。但拘定屋脊耳。左傳慶舍援廟桷。動于簷。豈能及屋脊乎。集韻或



作甌櫨而無所出。考方言甌謂之甌。景純曰。卽屋櫨也。今字作  
甌。音萌。甌音雷。以萌證蒙。合矣。而雷上皆甌。豈非謂屋上之甌  
薄邪。但壯麗者用木。不用竹耳。爾雅注桴。屋櫨。或取櫨義也。棟  
雖爲脊。亦梁之總名。古或借稱之。故爲通今之詁曰。凡屋多五  
架。正中衡梁曰棟。次曰展。下架曰櫨。櫨下多設門。故曰門櫨。如  
人之脊。今呼櫨坊是也。射禮曰。序則物當棟。堂則物當櫨。又曰  
豫則鉤櫨。內堂則由櫨外。櫨外故當下架之櫨。射必在外廉。以  
是知之。爾雅注曰。櫨。門瓦上橫梁也。易得其櫨。謂鴻不能木栖。  
蓋指木柯條也。因爲屋椽。椽言其垂也。桴。椽言其承列之紛也。  
詳見前。子尾抽櫨。擊扉三豈。必抽宮殿之椽乎。許氏以櫨訓桴。



則以楮爲櫨聯殆誤矣。栒以聯椽之端沿檐欄之劉熙曰栒謂之櫨。縣聯椽頭使齊平也。方言屋栒謂之櫨。注雀栒卽屋檐也。亦呼爲連縣。智思雀栒之名蓋因詩松栒有挺。松栒有鳥也。毛傳曰挺長兒鳥。大兒此則不當疏曰鳥是栒狀。智謂挺卽縣聯之意。鳥謂椽頭雀出也。履之名鳥亦謂其首合。晉人雀栒之稱思之要有何疑。康成釋檐亦不當。禮記復廟重檐鄭曰承壁木也。或古屋四周皆墻如今土庫乎。前昂曰軒。軒前獨非檐乎。垂字謂之檐亦作檐。閭徐鉉曰俗作簷非。相如賁步檐周流爾雅。檐謂之櫨。注屋栒。邢叔明曰屋栒又名字謂四垂也。士喪禮爲銘置宇西階上。注宇栒是也。今日滴水。



義臺猶儀門○莊子義臺卽儀臺爾雅閣謂之臺古有臺門猶  
今二門曰儀門集韻古作金紺珠集引穆天子傳作金古文作  
臺

子亭謂別大小亭也○李白傳玄宗坐沉香子亭以沉香爲子  
亭李漢諫敬宗沉香亭材是也柳公權爲翰林文宗夜召對子  
亭宮人以蠟液濡紙繼之

輦路卽輦道樓陛閣道也○疑曜曰李周翰注文選輦路樓陛  
也上林賦輦道纒屬如淳曰輦道閣道也世以爲車輦所行之  
路非矣又甬路亦飛閣之複道  
六朝謂奉道之靜室曰治○異苑云錢塘杜明師夢有人入其



館是夕謝靈運生旬而懸亡家送靈運於杜治養之十五方還都故名客兒注云治音稚奉道之家靜室也智推治乃處字之轉聲吳人猶作此語



